

四庫全書薈要

• 乾隆御覽本

史部

欽定四庫全書薈要

史部

資治通鑑卷一百二十三



詳校官編修臣汪鏞

資治通鑑卷一百二十二 宋 司馬光 撰

胡三省 音註

紀四

起重光協洽盡稱
蒙大淵獻凡五年

太祖文皇帝上之下

元嘉八年春正月壬午朔燕大赦改元大興 丙申檀
道濟等自清水救滑臺魏叔孫建長孫道生拒之丁酉
道濟至壽張遇魏安平公乙旃眷

魏叔父之裔為乙旃氏

道濟帥寧朔將軍王仲德驍騎將軍段宏奮擊大破之

帥讀曰率驍堅轉戰至高梁亭斬魏濟州刺史悉煩庫

堯翻騎奇奇翻結魏明元帝泰常八年置濟州治碣磣城濟子禮翻夏主擊秦將姚獻敗之

將即亮翻敗補邁翻遂遣其叔父北平公韋代帥衆一萬攻南安

去年暮末保南安城中大飢人相食秦侍中征虜將軍出連輔

政侍中右衛將軍乞伏延祚吏部尚書乞伏跋跋踰城

奔夏秦王暮末窮蹙與櫬出降乞伏氏四主四十九年而滅櫬初覲翻降戶江

翻并沮渠興國送于上邽興國為秦所禽見上秦太子

卷六年沮子余翻

司直焦楷奔廣寧

太子司直掌糾劾官僚及率府兵泣晉志無是官當是二趙燕秦所置

謂其父遺曰大人荷國寵靈

荷下可翻

居藩鎮重任今本朝

顛覆豈得不率見衆唱大義以殄寇讐

朝直逆翻見賢通翻

遺曰

今主上已陷賊庭吾非愛死而忘義顧以大兵追之是

趣絕其命也

趣讀曰促

不如擇王族之賢者奉以為主而伐

之庶有濟也楷乃築壇誓衆二旬之間赴者萬餘人會

遺病卒

卒子恤翻

楷不能獨舉事亡奔河西二月戊午以

尚書右僕射江夷為湘州刺史檀道濟等進至濟上

濟子禮下同二十餘日間前後與魏三十餘戰道濟多捷軍

至歷城

歷城縣自漢以來屬濟南郡宋為冀州刺史治所

叔孫建等縱輕騎邀

其前後焚燒草穀

奇翻

道濟軍乏食不能進由是安頡

司馬楚之等得專力攻滑臺

頡戶結翻

魏主復使楚兵將軍

王慧龍助之

又復扶翻

朱脩之堅守數月糧盡與士卒熏鼠

食之辛酉魏克滑臺執脩之及東郡太守申謨

東郡自漢魏以

來治白馬白馬滑臺之地也

虜獲萬餘人謨鍾之曾孫也

申鍾見九五卷晉

成帝咸和九年

癸酉魏主還平城大饗告廟將帥及百官皆

受賞戰士賜復十年

賞北伐柔然西伐夏南禦宋之功也將即亮翻坤所類翻復方目翻

復勿事也下復境同

於是魏南鄙大水民多餓死尚書令劉放言

於魏主曰自頃邊寇內侵戎車屢駕天贊聖明所在克

殄方難既平

難乃旦翻

皆蒙優錫而郡國之民雖不征討服

勤農桑以供軍國實經世之大本府庫之所資今自山

以東徧遭水害應加哀矜以弘覆育

覆敷又翻下米覆同

魏主從

之復境內一歲租賦 檀道濟等食盡自歷城引還軍

士有亡降魏者具告之魏人追之衆怵懼將潰

降戶江翻怵許

扶道濟夜唱籌量沙以所餘少米覆其上

量音良少詩
沼翻下同

及旦魏軍見之謂道濟資糧有餘以降者為妄而斬之

時道濟兵少魏兵甚盛騎士四合道濟命軍士皆被甲

被皮己白服乘輿引兵徐出魏人以為有伏兵不敢逼

稍稍引退道濟全軍而返青州刺史蕭思話聞道濟南

歸欲委鎮保險

宋青州治
東陽城

濟南太守蕭承之固諫不從

丁丑思話棄鎮犇平昌

平昌縣前漢屬琅邪後漢屬北
海晉太康地志屬城陽惠帝分

立平昌郡五代志密州膠
西縣舊曰黔陬置平昌郡

參軍劉振之戍下邳聞之亦

委城走魏軍竟不至而東陽積聚已為百姓所焚

積子智翻

凡指所聚之物曰積則去聲聚才喻翻

思話坐徵繫尚方燕王立夫人

慕容氏為王后

庚戌魏安頡等還平城魏主嘉朱脩

之守節妻以宗女

為情之自北還張本妻子細翻

初帝之遣到彥之也

戒之曰若北國兵動先其未至徑前入河

先悉薦翻

若其不

動留彭城勿進及安頡得宋俘魏主始聞其言謂公卿

曰卿輩前謂我用崔浩計為謬驚怖固諫

怖普布翻崔浩計見上卷

元常勝之家始皆自謂踰人至於歸終

歸終謂事勢究極處

乃不

能及司馬楚之上疏以為諸方已平請大舉伐宋魏主

以兵久勞不許徵楚之為散騎常侍

散悉重翻騎奇寄翻

以王慧

龍為滎陽太守

魏雖置滎陽太守實以虎牢為重鎮按魏書官氏志高宗太安三年始以諸部

護軍各為太守蓋是時惟以滎陽太守命王慧龍至太安三年遂悉改之也守式又翻

慧龍在郡

十年農戰並脩大著聲績歸附者萬餘家帝縱反間于

魏云慧龍自以功高位下欲引宋人入寇因執司馬楚

之以叛

間古覓翻楚之時屯潁川

魏主聞之賜慧龍璽書曰劉義隆

畏將軍如虎欲相中害

璽斯氏翻中竹仲翻

朕自知之風塵之言

想不足介意帝復遣刺客吕元伯刺之

復扶又翻

曰得慧龍

首封二百戶男賞絹千匹元伯詐為降人

降戶江翻

求屏人

有所論慧龍疑之使人探其懷得尺刀

屏必耶翻探吐南翻

元伯

叩頭請死慧龍曰各為其主耳釋之

為于偽翻

左右諫曰宋

人為謀未已不殺元伯無以制將來慧龍曰死生有命

彼亦安能害我我以仁義為扞蔽又何憂乎遂捨之

史因

慧龍守榮陽終言之

夏五月庚寅魏主如雲中

六月乙丑大

赦夏主殺乞伏暮末及其宗族五百人夏主畏魏

人之逼擁秦民十餘萬口

秦民所得乞伏氏之民也

自治城濟河欲

擊河西王蒙遜而奪其地吐谷渾王慕璜遣益州刺史

慕利延寧州刺史拾虔

璜古回翻秋作沒利

延拾虔虎今從宋書

帥騎三萬乘其半濟邀擊之執夏主定以歸

赫連氏歷三主二十

六年而滅自是中原及西北之地沮渠興國被創而死

一歸于魏矣帥讀曰率騎奇寄翻

沮子余翻被皮拾虔樹洛干之子也

樹洛干卒于晉安帝義熙十三年

魏之邊吏獲柔然邏者二十餘人魏主賜衣服而遣

之柔然感悅閏月乙未柔然敕連可汗遣使詣魏魏主

厚禮之

遷郎佐翻
使疏吏翻

魏主遣散騎侍郎周紹來聘

散悉
重翻

騎奇
寄翻

且求昏帝依違答之

荊州刺史江夏王義恭年

寢長欲專政事長史劉湛每裁抑之遂與湛有隙

宋制
幼王

臨州率以長史行府州事事皆決于行事
義恭欲專之而湛不可遂有隙長知兩翻帝心重湛使

人詰讓義恭且和解之

詰去
吉翻

是時王華王曇首皆卒

子

翻領軍將軍殷景仁素與湛善白帝以時賢零落徵湛

為太子詹事加給事中其參政事以雍州刺史張邵代

湛為撫軍長史南蠻校尉頃之邵坐在雍州營私畜聚

賊滿二百四十五萬下廷尉當死

永嘉五年邵刺雍州雍於周翻

左衛

將軍謝述上表陳邵先朝舊勲

武帝討桓玄邵白父嘏表獻忠款又不附劉毅

宜蒙優貸帝手詔酬納免邵官削爵土述謂其子綜曰

主上矜邵夙誠特加曲恕吾所言謬會故特見酬納耳

若此迹宣布則為侵奪主恩不可之大者也使綜對前

焚之帝後謂邵曰卿之獲免謝述有力焉 秋七月己

酉魏主如河西 八月乙酉河西王蒙遜遣子安周入

侍于魏 吐谷渾王慕瓚遣侍郎謝太寧奉表于魏請

送赫連定己丑魏以慕瓚為大將軍西秦王

瓚古回翻

左

僕射臨川王義慶固求解職甲辰以義慶為中書令丹

陽尹如故

九月癸丑魏主還宮庚申加太尉長孫嵩

柱國大將軍

柱國大將軍始此

以左光祿大夫崔浩為司徒征

西大將軍長孫道生為司空道生性清儉一熊皮郭泥

數十年不易

類篇馬蹄泥曰糖糖昌翻蜀注云遮擁泥淨也

魏主使歌工歷

頌羣臣曰智如崔浩廉若道生

魏主欲選使者詣河

西崔浩薦尚書李順乃以順為太常拜河西王蒙遜為

侍中都督涼州西域羌戎諸軍事太傅行征西大將軍

涼州牧涼王王武威張掖敦煌酒泉西海金城西平七

郡使疏吏翻王武于況翻敦使門翻冊曰盛衰存亡與魏升降北盡窮

髮南極庸嶠西被崑崙嶺東至河曲

經典釋文司馬曰窮髮北極之下無毛之

地也按毛草也地理書云山以草木為髮庸魏興上庸之地崑崙山也崑崙謂崑崙河曲朔方之河曲也崑與

岷同被王實征之以夾輔皇室置將相羣卿百官承制

假授建天子旌旗出入警蹕如漢初諸侯王故事 壬

申魏主詔曰今二寇摧殄將偃武修文理廢職舉逸民

范陽盧玄博陵崔綽趙郡李靈河間邢穎勃海高允廣

平游雅太原張偉等皆賢雋之曹冠冕周邦

周當作州

易曰

我有好爵吾與爾縻之

易中乎九二爻辭

如玄之比者盡敕州

郡以禮發遣遂徵玄等及州郡所遣至者數百人差次

叙用崔綽以母老固辭玄等皆拜中書博士玄謚之曾

孫

晉永嘉之後盧湛展轉于石氏之間冉閔之敗遂死於兵湛氏主翻

靈順之從父兄也

從才用翻

玄舅崔浩每與玄言輒歎曰對子真使我懷古之

情更深

盧玄字子真

浩欲大整流品明辨姓族玄止之曰夫

創制立事各有其時樂為此者詎有幾人宜加三思

樂音

洛三思

浩不從由是得罪于眾初魏昭成帝始制法

令

什翼犍

反逆者族其餘當死者聽入金馬贖罪殺

人者聽與死家牛馬葬具以平之盜官物一備五私物

一備十

備陪償也今人多云陪備

四部大人共坐王庭決辭訟無繫

訊連逮之苦境內安之太祖入中原

道武帝廟號太祖

患前代

律令峻密命三公郎王德剛定務崇簡易

事見一百十卷晉安帝隆

安二年易

季年被疾刑罰濫酷

事見一百十一卷晉安帝隆安四年被皮義翻

太宗承之吏文亦深

明元帝廟號太宗

冬十月戊寅世祖命崔

浩更定律令除五歲四歲刑增一年刑巫蠱者負殺羊

抱犬沈諸淵

殺果五翻說文夏羊壯曰殺一說殺羴羊也沈持林翻

初令官階九

品者得以官爵除刑

漢官以石秩為差魏晉始定品秩之次

婦人當刑而

孕產後百日乃決闕左懸登聞鼓以達冤人

高令有獄訟者搖鞀

周禮左嘉石以平罷民皆所以達幽枉也登聞鼓令負冤者得詣闕撾鼓登時上聞也

魏主如

漠南十一月丙辰北部敕勒莫弗庫若干

高車酋長謂之莫弗考

吳曰後魏書北史本紀皆作敕勒鄧淵傳皆作高車按高車即敕勒別名也

帥所部數萬騎

驅鹿數百萬頭詣魏主行在

神讀曰率
騎奇奇翻

魏主大獵以賜

從官

從才
用翻

十二月丁丑還宮

是歲涼王改元義和

林邑王范陽邁寇九德交州兵擊却之

九德郡古越棠
氏國隋唐為驩

州

九年春正月丙午魏主尊保太后竇氏為皇太后

尊保
母為

母非
禮也

立貴人赫連氏為皇后子晃為皇太子大赦改元

延和 燕王立慕容后之子王仁為太子 三月庚戌

衛將軍王弘進位太保加中書監丁巳征南大將軍檀

道濟進位司空還鎮尋陽

道濟自歷城還師至建康復使之還鎮尋陽

壬

申吐谷渾王慕瓚送赫連定于魏魏人殺之慕瓚上表

曰臣俘擒僭逆獻捷王府爵秩雖崇而土不增廓車旗

既飾而財不周賞願垂鑒察魏主下其議

下戶

公卿以

為慕瓚所致惟定而已塞外之民皆為己有而貪求無

厭不可許也

厭於盟

魏主乃詔曰西秦王所得金城枹罕

隴西之地

枹音膚

朕即與之乃是裂土何須復廓

復扶

西

秦款至綿綃隨使疏數臨時增益非一賜而止也

使疏吏翻

下同疏與疎
同數所角翻

自是慕瓚貢使至魏者稍簡 魏方士祁

纖奏改代為萬年代尹為萬年尹以代令為萬年令崔

浩曰昔太祖應天受命兼稱代魏以法殷商

帝嘗都亳
子契受封

于商自契至湯八遷湯始都亳從
先王居謂之亳殷故兼稱殷商

國家積德當享年萬

億不待假名以為益也纖之所聞皆非正義宜復舊號

魏主從之 夏五月壬申華容文昭公王弘卒弘明敏

有思致而輕率少威儀性褊隘好折辱人人以此少之

思相吏翻少詩沼訓編方
緬翻好呼到翻折之舌翻

雖貴顯不營財利及卒家無

餘業帝聞之特賜錢百萬米千斛 魏主治兵于南郊

謀伐燕

治直之翻

帝遣使者趙道生聘于魏 六月戊寅

司徒南徐州刺史彭城王義康改領揚州刺史

王弘卒義康始

領揚州

詔分青州置冀州

宋冀州領廣川平原清河樂陵魏郡河間頓丘高陽勃海

九郡皆倚置於河濟間

治歷城 吐谷渾王慕瓚遣其司馬趙叙

入貢且來告捷

告擒赫連定之捷也瓚古回翻

庚寅魏主伐燕命太

子晃錄尚書事時晃纔五歲又遣左僕射安原建寧王

崇等屯漠南以備柔然 辛卯魏主遣散騎常侍鄧穎

來聘 乙未以吐谷渾王慕瓚為都督西秦河沙三州

諸軍事征西大將軍西秦河二州刺史進爵隴西王且

命慕瓚悉歸南方將士先沒於夏者得百五十餘人

劉

真之敗沒
于夏者

又加北秦州刺史楊難當征西將軍難當以

兄子保宗為鎮南將軍鎮宕昌

宕昌隋唐為宕州之地宕徒浪翻

以其

子順為秦州刺史守上邽保宗謀襲難當事泄難當囚

之 壬寅以江夏王義恭為都督南兖等六州諸軍事

開府儀同三司南兖州刺史臨川王義慶為都督荆雍

等七州諸軍事荊州刺史

雍於用翻

竟陵王義宣為中書監

衡陽王義季為南徐州刺史初高祖以荊州居上流之

重土地廣遠資實兵甲居朝廷之半故遺詔令諸子居

之上以義慶宗室令美且烈武王有大功于社稷

臨川王道

規謹烈武王

故特用之

秋七月己未魏主至濡水

水經濡水自塞

外來通遼西今支肥如海陽等縣而入于海濡乃官翻

庚申遣安東將軍奚斤發

幽州民及密雲丁零萬餘人

魏收曰道武帝皇始二年置密雲郡密雲縣治提攜

城本漢辟奚縣地孟康曰辟音題

運攻具出南道會和龍魏主至遼西

燕王遣其侍御史崔聘奉牛酒犒師己巳魏主至和龍

庚午以領軍將軍殷景仁為尚書僕射太子詹事劉

湛為領軍將軍益州刺史劉道濟粹之弟也信任長

史費謙別駕張熙等聚斂興利

費扶
涕翻

傷政害民立官治

禁民鼓鑄而貴賣鐵器商賈失業吁嗟滿路

斂力
賈音古

流民許穆之變姓名稱司馬飛龍自云晉室近親往依

氏王楊難當難當因民之怨資飛龍以兵使侵擾益州

飛龍招合蜀人得千餘人攻殺巴興令

沈約曰巴興令
徐志不註置立

疑李氏所立屬遼寧郡宋白曰晉永和十一年置已興縣西魏改曰長江縣唐屬遼州 逐陰平太

守

晉孝武帝泰始中置陰平郡至武帝永初間又分為南陰平北陰平北南陰平也隋併南陰平入維縣宋

白曰文州古陰平也戰國氏羌所據漢為陰平道魏晉為陰平郡陰平縣永嘉末太守王鑒以郡降李雄晉人於是悉流移於蜀漢其氏羌並屬楊茂搜北郡不復預受正朔故南史諸志悉無所錄其晉人流寓於蜀者仍於益州立南北二陰平寓于漢中者亦於梁州立南北二陰平今劍州陰平縣益州之北陰平郡也 道濟

遣軍擊斬之道濟欲以五城人帛氏奴梁顯為參軍督

護

孫恂曰帛姓也

費謙固執不與氏奴等與鄉人趙廣構扇縣

人詐言司馬殿下猶在陽泉山中聚眾得數千人引向

廣漢

沈約曰蜀分縣竹立陽泉縣屬廣漢郡隋復併入緜竹

道濟參軍程展會治

中李抗之將五百人擊之皆敗死巴西人唐頻聚眾應

之趙廣等進攻涪城陷之

將即亮翻涪音浮

於是涪陵江陽遂

寧諸郡守皆棄城走蜀土僑舊俱反

沈約曰遂寧郡永初郡國志有之疑

晉末分廣漢所立唐為遂州守手又翻下太守同

燕石城太守李崇等十郡

降于魏

石城縣前漢屬右北平燕分置石城郡魏真君八年置建德郡於白狼以石城為縣屬焉降戶

江魏主發其民三萬穿圍塹以守和龍崇績之子也

李績

見一百卷晉穆帝升平四年塹七絕翻

八月燕王使數萬人出戰魏昌黎

公丘等擊破之

公丘之下當有漏字

死者萬餘人燕尚書高紹帥

萬餘家保羌胡固

神讀曰率

辛巳魏主攻紹斬之平東將軍

賀多羅攻帶方撫軍大將軍永昌王健攻建德驃騎大

將軍樂平王丕攻冀陽皆拔之九月乙卯魏主引兵西

還徙營丘成周遼東樂浪帶方玄菟六郡民三萬家於

幽州

五代志曰後魏置營州於和龍城大興永樂帶方定荒石城

東樂浪營丘等郡龍城大興永樂帶方定荒石城

廣都陽武襄平新昌平剛柳城富平等縣蓋燕國自慕

容以來分置郡縣於遼西其後或省或併為郡為縣皆

不可攷如玄菟郡亦當置於遼西也驃匹

妙翻騎奇奇翻樂浪音洛琅菟同都翻

燕尚書郭淵

勸燕王送款獻女於魏乞為附庸燕王曰負疊在前結

忿已深降附取死不如守志更圖也

疊許魏魏主之降戶江翻

魏主之

圍和龍也宿衛之士多在戰陳

陳與陣同

行宮人少雲中鎮

將朱脩之謀與南人襲殺魏主因入和龍浮海南歸以

告冠軍將軍毛脩之毛脩之不從乃止

少詩沼翻將即亮翻冠古玩翻

既而事泄朱脩之逃奔燕魏人數伐燕

數所角翻

燕王遣脩

之南歸求救脩之汎海至東萊遂還建康拜黃門侍郎

趙廣等進攻成都劉道濟嬰城自守賊衆屯聚日久

不見司馬飛龍欲散去廣懼將三千人及羽儀詣陽泉

寺

以羽為儀故曰羽儀

詐云迎飛龍至則謂道人枹罕程道養曰

枹音膚

汝但自言是飛龍則坐享富貴不則斷頭

斷丁音翻

道

養惶怖許諾

怖音布翻

廣乃推道養為蜀王車騎大將軍益

梁二州牧改元泰始備置百官以道養弟道助為驃騎

將軍長沙王鎮涪城趙廣帛氏奴梁顯及其黨張尋嚴

遐皆為將軍奉道養還成都眾至十餘萬四面圍城使

人謂道濟曰但送費謙張熙來我輩自解去道濟遣中

兵參軍裴方明任浪之各將千餘人出戰皆敗還

任音壬

冬十一月乙巳魏主還平城 壬子以少府中山甄

法崇為益州刺史

代劉道濟也甄之人翻

初燕王嫡妃王氏生

長樂公崇崇於兄弟為最長

樂音洛最長知兩翻

及即位立慕容

氏為王后王氏不得立又黜崇使鎮肥如

燕以幽州刺史鎮肥如遼

西之地也崇母弟廣平公朗樂陵公邈相謂曰今國家將亡

人無愚智皆知之王復受慕容后之譖

復扶又翻

吾兄弟死

無日矣乃相與亡奔遼西說崇使降魏崇從之會魏主

使給事郎王德招崇

給事郎北史作給事中說
輸芮翻降戶江翻下同

十二月

己丑崇使邈如魏請舉郡降燕王聞之使其將封羽圍

崇於遼西

將即亮
翻下同

魏主徵諸名士之未仕者州郡多

逼遣之魏主聞之下詔令守宰以禮申諭

申重也重直
龍翻守式又

翻任其進退毋得逼遣初帝以少子紹為廬陵孝獻

王嗣

義真諡曰孝以
獻少持照翻

江夏王義恭子朗為營陽王嗣庾

寅封紹為廬陵王朗為南豐縣王裴方明等復出擊

程道養營破之

復扶又翻下眾
復豈復順復同

焚其積聚

積子賜翻
聚才諭翻

賊

黨江陽楊孟子將千餘人屯城南

江陽隋併入陽州隆山縣

參軍梁

雋之統南樓投書說諭孟子邀使入城見劉道濟道濟

板為主簿克期討賊趙廣知其謀孟子懼將所領奔晉

原晉原太守文仲興與之同拒守趙廣遣帛氏奴攻晉

原破之

李雄分蜀郡為漢原郡晉穆帝更名為晉原郡治江原縣唐為蜀州晉原縣宋白曰晉原縣本漢

江原縣地李雄立江原郡晉改為多仲興孟子皆死裴

融縣又改晉原以縣界晉原山為名

方明復出擊賊屢戰破之賊遂大潰程道養收衆得七

千人還廣漢趙廣別將五千餘人還涪城先是張熙說

道濟糶倉穀

先悉薦翻說輸內翻

故自九月末圍城至十二月糧

儲俱盡方明將二千人出城求食為賊所敗

敗補單馬

單馬

獨還賊衆復大集方明夜縋而上

縋馳偽翻上時掌翻

道濟為設

食

為于偽翻下微為同

涕泣不能食道濟曰卿非大丈夫小敗何

苦賊勢既衰臺兵垂至但令卿還何憂于賊即減左右

以配之賊於城外揚言云方明已死城中大恐道濟夜

列炬火出方明以示衆衆乃安道濟悉出財物於北射

堂令方明募人時城中或傳道濟已死莫有應者梁攜

之說道濟遣左右給使三十餘人出外

梁攜之蓋即梁
儁之攜字誤也

且告之曰吾病小損各聽歸家休息給使既出城中乃

安應募者日有千餘人初晉謝混尚晉陵公主

晉陵
公主

晉孝武
之女

混死

見一百十六卷晉
安帝義熙八年

詔公主與謝氏絕婚公

主悉以混家事委混從子弘微

從才
用翻

混仍世宰輔僮僕

千人惟有二女年數歲弘微為之紀理生業一錢尺帛

有文簿

為于
偽翻

九年而高祖即位公主降號東鄉君聽還

謝氏入門室宇倉廩不異平日田疇墾闢有加于舊東

鄉君歎曰僕射平生重此子可謂知人僕射為不亡矣

混仕晉為尚書左僕射

親舊見者為之流涕是歲東鄉君卒

為子偽翻

卒子公私咸謂貲財宜歸二女田宅僮僕應屬弘微弘

微一無所取自以私祿葬東鄉君混女夫殷叡好撝捕

好呼到翻聞弘微不取財物乃奪其妻妹及伯母兩姑之分

以還戲責

分扶問翻責如字又讀曰債

內人皆化弘微之讓一無所

爭或譏之曰謝氏累世財產充殷君一朝戲責理之不

允莫此為大卿視而不言譬棄物江海以為廉耳設使

立清名而令家內不足亦吾所不取也弘微曰親戚爭

財為鄙之甚今內人尚能無言豈可導之使爭乎分多

共少不至有乏身死之後豈復見關也禿髮保周自

涼奔魏

保周奔涼見一百十六卷晉安帝義熙十年

魏封保周為張掖公

魏李順復奉使至涼

復扶又翻使疏吏翻

涼王蒙遜遣中兵校郎

楊定歸謂順曰年衰多疾腰髀不隨不堪拜伏比三五

日消息小差當相見

比必寐翻及也

順曰王之老疾朝廷所知

豈得自安不見詔使明日蒙遜延順入至庭中蒙遜箕

坐應几無動起之狀

師古曰謂伸兩脚而坐其形如箕隱於新翻

順正色大

言曰不謂此叟無禮乃至于此今不憂覆亡而敢陵侮

天地魂魄逝矣何用見之握節將出涼王使定歸追止

之曰太常既雅怨哀疾

雅素也

傳聞朝廷有不拜之詔是

以敢自安耳順曰齊桓公九合諸侯一匡天下周天子

賜胙命無下拜桓公猶不敢失臣禮下拜登受

齊桓公合諸侯

于葵丘王使宰孔賜胙齊侯將下拜孔曰天子以伯舅
耄老加勞賜一級無下拜對曰天威不遠顔咫尺小白
余敢貪天子之命無下拜恐隕越于今王雖功高未如
下以為天子羞敢不下拜下拜登受

齊桓朝廷雖相崇重未有不拜之詔而遽自偃蹇此豈

社稷之福邪蒙遜乃起拜受詔使還魏主問以涼事順

曰蒙遜控制河右踰三十年

晉安帝隆安五年蒙遜殺段業塞有其國至是三十

年一經涉艱難粗識機變

粗坐五翻

綏集荒裔羣下畏服雖不

能貽厥孫謀猶足以終其一世然禮者德之與敬者身

之基也蒙遜無禮不敬以臣觀之不復年矣

復扶又翻言其死在

夕朝魏主曰易世之後何時當滅順曰蒙遜諸子臣略見

之皆庸才也如聞敦煌太守牧犍器性粗立

敦煌徒門翻犍居言翻

繼蒙遜者必此人也然比之於父皆云不及此殆天之

所以資聖明也

考異曰後魏書順初奉冊拜沮渠蒙遜為涼州牧即有蒙遜不拜及順使還

論牧捷事南史順冊拜蒙遜還拜都督四州長安鎮都大將徵為四部尚書加常侍延和初使涼始有不拜等事今據順云不復年矣明年蒙遜死魏主曰朕方有事

帝曰卿言蒙遜死驗矣故從南史

東方

謂方圖燕也

未暇西略如卿所言不過數年之外不為

晚也初劉賓沙門曇無讖自云能使鬼治病且有祕術

北史曰曇無讖自云能使鬼療病令婦人多子劉音計曇徒含翻讖楚諧翻治直之翻

涼王蒙遜

甚重之謂之聖人諸女及子婦皆往受術魏主聞之使

李順往徵之蒙遜留不遣仍殺之魏主由是怒涼蒙遜

荒淫猜虐羣下苦之

為魏滅涼張本

十年春正月乙卯魏主遣永昌王健督諸軍救遼西

以馮

崇被圖也

己未大赦

丙寅魏以樂安王範為都督秦雍

等五州諸軍事衛大將軍開府儀同三司長安鎮都大

將

都大將又在鎮大將之上
雍於用翻將即亮翻下同

魏主以範年少

少詩照翻

更選

舊德平西將軍崔徽征北大將軍鴈門張黎為之副共

鎮長安徽宏之弟也

崔宏崔浩之父也

範謙恭寬惠徽務敦大

體黎清約公平政刑簡易

易以鼓翻

輕徭薄賦關中遂安

二月庚午魏主以馮崇為都督幽平東夷諸軍事車騎

大將軍幽平二州牧封遼西王錄其國尚書事食遼西

十郡承制假授尚書刺史征虜已下官

自征虜以下雜號將軍皆得假

授騎奇寄翻

魏平涼休屠征西將軍金崖

句斷屠直於翻

羌涇州

刺史狄子玉

魏置涇州于安定郡治臨涇城

與安定鎮將延普爭權崖

子玉舉兵攻普不克退保胡空谷

即胡空堡之地

魏主以虎牢

鎮大將陸侯為安定鎮大將擊崖等皆擒之魏主徵陸

侯為散騎常侍出為懷荒鎮大將

懷荒鎮魏降高車所置六鎮之一也散悉

賈翻騎奇寄翻

未朞歲高車諸莫弗訟侯嚴急無恩復請前鎮

將郎孤

復扶又翻下無復將復同

魏主徵侯還以孤代之侯既至言

于帝曰不過期年郎孤必敗高車必叛

期讀曰暮

帝怒切責

之使以建業公歸第明年諸莫弗果殺郎孤而叛帝大

驚立召侯問之曰卿何以知其然也侯曰高車不知上

下之禮故臣臨之以威制之以法欲以漸訓導使知分

限

分扶問翻

而諸莫弗惡臣所為

惡烏路翻

訟臣無恩稱孤之美

臣以罪去孤獲還鎮悅其稱譽

譽音余

益收名聲專用寬

恕待之無禮之人易生驕慢

易以鼓翻

不過暮年無復上下

孤所不堪必將復以法裁之如此則衆心怨懟必生禍

亂矣

魏裴潛去代郡而烏桓叛事亦如此懟直類翻

帝笑曰卿身雖短思慮何

長也即日復以為散騎常侍壬午魏主如河西遣兼

散騎常侍宋宣來聘且為太子晃求婚

為于偽翻

帝依違答

之劉道濟卒梁雋之裴方明等密埋其尸於齋後詐

為道濟敕命以答籤疏雖其母妻亦不知也程道養于

毀金橋登壇郊天方明將三千人出擊之

將即亮翻下同

道養

等大敗退保廣漢荊州刺史臨川王義慶以巴東太守

周籍之督巴西等五郡諸軍事將二千人救成都三

月亡人司馬天助降於魏自稱晉會稽世子元顯之子

降戶江翻會工外翻

魏人以為青徐二州刺史東海公壬子魏

主還宮趙廣等自廣漢至郾

郾縣自漢以來屬蜀郡師古曰郾音疲

連

營百數周籍之與裴方明等合兵攻郾克之進擊廣等

于廣漢廣等走還涪及五城

涪音浮

夏四月戊寅始發劉

道濟喪 帝聞梁南秦二州刺史甄法護刑政不治

甄之

人翻失氏羌之和乃自徒中起蕭思話為梁南秦二州刺

史

考異曰思話傳云楊難當寇漢中乃用思話按本紀及氏胡傳難當寇漢中皆在十一月法護

法崇之兄也 涼王蒙遜病甚國人共議以世子菩提

幼弱立菩提之兄敦煌太守牧捷為世子加中外都督

大將軍錄尚書事

菩提薄乎翻捷居言翻考異曰宋書十六國春秋作茂度後魏書紀傳作

牧捷今從之

蒙遜卒謚曰武宣王廟號太祖牧捷即河西王

位大赦改元永和立子封壇為世子加撫軍大將軍錄

尚書事遣使請命于魏牧犍聰穎好學

使疏吏翻和雅好呼到翻

和雅

有度量故國人立之先是魏主遣李順迎武宣王女為

夫人

先慈薦翻

會卒牧犍稱先王遺意遣左丞宋繇送其妹

興平公主于魏拜右昭儀

李延壽曰魏主增置左右昭儀

魏主謂李順

曰卿言蒙遜死今則驗矣又言牧犍立何其妙哉朕克

涼州亦當不遠於是賜絹千匹廐馬一乘

乘繩證翻

進號安

西將軍寵待彌厚政事無巨細皆與之參議

李順以言中見寵待

而亦以為涼隱受誅為臣之不易也如此

遣順拜牧犍都督涼沙河三州西

域羌戎諸軍事車騎將軍開府儀同三司涼州刺史河

西王

騎寄翻

以宋繇為河西王右相牧捷以無功受賞畱

順上表乞安平一號

謂若安西將軍若平西將軍乞一號

優詔不許牧捷

尊敦煌劉昫為國師

敦徒門翻

親拜之命官屬以下皆北面

受業

五月己亥魏主如山北

武周山之北也

林邑王范陽

邁遣使入貢求領交州

使疏吏翻

詔答以道遠不許 裴方

明進軍向涪城破張尋唐頻擒程道助斬嚴遐于是趙

廣等皆奔散

六月魏永昌王健左僕射安原督諸軍

擊和龍將軍樓敦別將五千騎圍凡城

魏書官氏志內入諸姓賀樓氏

改為樓氏將即亮翻下同

燕守將封羽以凡城降

降戶江翻下同

收其三千

餘家而還

辛巳魏人發秦雍兵一萬築小城於長安

城內

雍於用翻

秋八月馮崇上表請說降其父

說翰為翻

魏主

不聽

九月益州刺史甄法崇至成都收費謙誅之

扶費

沸程道養張尋將二千餘家逃入鄣山

廣漢鄣縣之山也師古曰鄣音

妻又音千私翻

餘黨各擁眾藏竄山谷時出為寇不絕

戊午

魏主遣兼大鴻臚崔贍持節拜氏王楊難當為征南大

將軍開府儀同三司秦梁二州牧南秦王曠逞之子也

崔逞自燕歸魏以侮慢為魏主珪所殺曠士革翻

楊難當因蕭思話未至甄

法護將下舉兵襲梁州破白馬獲晉昌太守張範

白馬成在

沔水北即陽平關晉桓溫平蜀以巴漢流人立晉昌郡于上庸之西敗法護參軍魯安期

等

敗翻

又攻葭萌獲晉壽太守范延朗

晉孝武太元五年梁州刺史

周馥表分梓潼立晉壽郡古葭萌之地也葭音家

冬十一月丁未法護棄城奔

洋川之西城

後魏方立洋川郡于漢中之西鄉縣北蓋因其地有洋水故謂之洋川洋音祥又如

字難當遂有漢中之地以其司馬趙溫為梁秦二州刺

史 甲寅魏主還宮 十二月己巳魏大赦 辛未魏

主如陰山之北 魏寧朔將軍盧玄來聘 前祕書監

謝靈運好爲山澤之遊

五年靈運免官故曰前好呼到翻

窮幽極險從

者數百人

從才用翻

伐木開徑百姓驚擾以爲山賊會稽太

守孟顗與靈運有隙

曾工外翻顗魚宜翻

表其有異志發兵自防

靈運詣闕自陳上以爲臨川內史靈運遊放自若廢棄

郡事爲有司所糾是歲司徒遣使隨州從事鄭望生收

靈運

使疏吏翻望生蓋爲江州從事

靈運執望生興兵逃逸作詩曰韓

亡子房奮秦帝魯連恥

靈運自以世為晉臣故賦是詩子房事見七卷秦始皇二十九

年魯連事見考異

追討擒之廷尉奏靈運率衆反叛論正斬刑

上愛其才欲免官而已彭城王義康堅執謂不宜恕乃降死一等徙廣州久之或告靈運令人買兵器結健兒

欲于三江口篡取之不果

水經溫水出梓柯夜郎縣東至鬱林廣鬱縣為鬱水灘水

出陽海山南過蒼梧荔浦縣又南至廣信縣入于鬱封水出臨賀郡馮乘縣西牛屯山西南流入廣信縣南流注于鬱水此蓋三水所會之地謂之三江口詔於廣州棄市靈運恃才放逸

多所陵忽故及於禍魏立徐州於外黃以刁雍為刺

史

雍於
用翻

十一年春正月戊戌燕王遣使請和於魏

使疏
吏翻

魏主不

許楊難當以克漢中告捷于魏送雍州流民七千家

於長安

雍於
用翻

蕭思話至襄陽遣橫野司馬蕭承之為前

驅

思話時以橫野將軍鎮
梁州以承之為司馬

承之緣道收兵得千人進據

礪頭

水經註漢水逕黃金南東流歷
故頭魏興安康縣治礪故同音

楊難當焚掠漢中

引衆西還留趙溫守梁州又遣其魏興太守薛健據黃

金山思話遣陰平太守蕭坦攻鐵城戍拔之

黃金山註
見七十四

卷魏邵陵厲公正始五年水經註鐵城與黃金戌相對一城在山上一城在山下

二月趙溫

薛健與其馮翊太守蒲甲子合攻坦營坦擊破之溫等

退保西水

水經註西水作西水

臨川王義慶遣龍驤將軍裴方明

將三千人助承之

驤思將翻將即亮翻下同

拔黃金戌而據之溫棄

州城退據小城健甲子退保下桃城思話繼至與承之

共擊趙溫等屢破之行參軍王靈濟別將出洋川攻南

城拔之

沈約曰熊縱滅梁州刺史還治漢中之苞中縣所謂南城也余考前史漢中郡無苞中縣意即

褒中縣蓋因語近而字遂訛也褒中縣在南鄭西南故謂之南城擒其守將趙英南城

空無所資靈濟引兵還與承之合 魏主以西海公主

妻柔然敕連可汗

妻七細翻可從
刊入聲汗音寒

又納其妹為夫人遣

潁川王提往逆之丁卯敕連遣其異母兄禿鹿傀送妹

并獻馬二千匹

傀公
回翻

魏主以其妹為左昭儀提曜之子

也 辛卯魏主還宮三月甲寅復如河西

復扶
又翻

楊難

當遣其子和將兵與蒲甲子等共擊蕭承之相拒四十

餘日圍承之數十重短兵接弓矢無所復施氏悉衣犀

甲戈矛所不能入

重直龍翻復扶又翻下可復同衣於
既翻周禮考工記犀甲壽百年以牛

皮為承之斷稍長數尺以大斧椎之一稍輒貫數人

斷

管翻稍色角翻長直亮翻

氏不能當燒營走據大桃閨月承之等追

擊之至南城氏敗走斬獲甚衆悉收漢中故地置戍于

葭萌水

水經註白水出臨洮縣西南西傾山東南流至葭萌縣北因謂之葭萌水水有津關即所謂白

水關也

初桓希既敗

希敗見一百十三卷晉安帝元興三年

氏王楊盛據漢

中梁州刺史范元之傳歆皆治魏興

治直

惟得魏興上

庸新城三郡及索邈為刺史

見一百十六卷晉安帝義熙九年索普各翻

乃

治南城至是南城為氏所焚不可復固蕭思話徙鎮南

鄭

自此梁州治南鄭

甲戌赫連昌叛魏西走丙子河西候將

格殺之

此河西五原河西也候將斥候將也將即亮翻

魏人并其羣弟誅之

己卯魏主還宮

辛己燕王遣尚書高顯上表稱藩請

罪于魏

顯魚容翻

乞以季女充掖庭魏主乃許之徵其太子

王仁入朝燕王送魏使者于什門還平城

朝直遙翻使疏史翻下同

什門在燕二十一年不屈節

什門使燕見一百十六卷晉安帝義熙十年考異

曰後魏書節義傳云什門在燕歷二十四年按後魏本紀神瑞元年八月遣于什門招諭馮跋至此年二十一年矣若二十四年乃在太延魏主下詔褒稱以比蘇武三年而太延二年馮氏亡矣

拜治書御史

治直之翻

賜羊千口帛千匹策告宗廟頒示天

下 戊子休屠金當川圍魏陰密

陰密縣漢晉屬安定郡魏收志屬平涼郡

括地志陰密故城在涇州鶉觚縣西屠直於翻

夏四月乙未魏征西大將軍常

山王素擊之丁未魏主行如河西壬戌獲當川斬之

甄法護坐委鎮賜死于獄

甄之翻

楊難當遣使奉表謝罪

帝下詔赦之 河西王牧犍遣使上表告嗣位戊寅詔

以牧犍為都督涼秦等四州諸軍事征西大將軍涼州

刺史河西王

犍居言翻

六月甲辰魏主還宮 燕王不遣

太子質魏

致質音

散騎常侍劉滋諫曰

散惡重翻騎奇寄翻

昔劉禪

有重山之險孫皓有長江之阻皆為晉擒

劉禪事見七十八卷魏元

帝景元四年孫皓事見七十九卷晉武帝太康元年重直龍翻

何則彊弱之勢異也今

吾弱於吳蜀而魏彊於晉不從其欲將有危亡之禍願

亟遣太子而修政事撫百姓收離散賑飢窮勸農桑省

賦役社稷猶庶幾可保燕王怒殺之辛亥魏主遣撫軍

大將軍永昌王健等伐燕收其禾稼徙民而還

還從宣翻又如

字

秋七月壬午魏主如美稷遂至隰城

隰城縣自漢以來屬西河

郡劉昫曰汾州西河縣漢美稷縣隋為隰城縣上命陽元元年更名西河蓋二縣皆併于汾州西河縣矣

平王它督諸軍擊山胡白龍于西河

山胡即稽胡一曰步落稽蓋匈奴別

種劉元海五部之苗裔也或云山戎赤狄之後自離石以西安定以東方七八百里居山谷間種落繁熾它

熙之子也

陽平王熙見一百十九卷武帝永初二年

魏主輕山胡日引數十

騎登山臨視之

奇騎奇翻

白龍伏壯士十餘處掩擊之魏主

墜馬幾為所擒

幾居希翻

內入行長代人陳建以身扞之

內入

行長魏官也蓋選勇力之士入直禁中行長則其部帥也魏書官氏志次南諸姓侯莫陳氏改為陳氏行戶剛

翻長知兩翻

大呼奮擊殺死數人身被十餘創

呼火故翻被皮義翻

魏

主乃免九月戊子大破胡衆斬白龍屠其城冬十月甲

午魏人破白龍餘黨于五原誅數千人以其妻子賜將

士十一月魏主還宮十二月甲辰復如雲中

復扶
翻

十二年春正月己未朔日有食之 辛酉大赦 辛未

上祀南郊 燕王數為魏所攻

數所
翻

遣使詣建康稱藩

奉貢癸酉詔封為燕王江南謂之黃龍國

以其都和龍
也今北國以

和龍為
黃龍府

甲申魏大赦改元太延 有老父投書於敦

煌東門

敦徒
門翻

求之不獲書曰涼王三十年若七年河西

王牧捷以問奉常張慎對曰昔虢之將亡神降于莘

左傳

莊公三十二年有神降于莘虢公使祝應宗區史區享焉神賜之土田史區曰虢其亡乎吾聞之國將興聽於民將亡聽于神神聰明正直而壹者也依人而行虢多涼德其何土之能得後七年晉滅虢捷居言翻虢古百

翻

願陛下崇德脩政以享三十年之祚若盤于遊田荒

于酒色臣恐七年將有大變牧捷不悅

史言涼之將亡

二月

丁未魏主還宮

三月癸亥燕王遣大將湯燭入貢於

魏

將即亮翻

辭以太子王仁有疾故未之遣領軍將軍劉

湛與僕射殷景仁素善湛之入也景仁實引之

見上

湛

既至以景仁位遇本不踰己而一旦居前意甚憤憤俱

被時遇以景仁專管內任謂為間己

被皮義翻
間古覓翻

猜隙漸

生知帝信仗景仁不可移奪時司徒義康專秉朝權

直朝

遙翻湛嘗為義康上佐

見一百十九卷
武帝永初元年

遂委心自結欲

因宰相之力以回上意傾黜景仁獨當時務夏四月己

巳帝加景仁中書令中護軍即家為府湛加太子詹事

湛愈憤怒使義康毀景仁于帝帝遇之益隆景仁對親

舊歎曰引之令入入便噬人乃稱疾解職表疏累上

上時

字翻帝不許使停家養病湛議遣人若劫盜者於外殺之

以為帝雖知當有以解之不能傷義康至親之愛帝微

聞之遷護軍府于西掖門外使近宮禁

近其新翻

故湛謀不

行義康僚屬及諸附麗湛者潛相約勒無敢歷殷氏之

門彭城王主簿沛郡劉敬文父成未悟其機詣景仁求

郡敬文遽往謝湛曰老父悖羗遂就殷鐵干祿

鐵景仁小字也

悖蒲內翻由敬文闇淺上負生成闔門慙懼無地自處

史言劉湛

怙權時輩協事之慮昌呂翻

惟後將軍司馬庾炳之遊二人之間皆

得其歡心而密輸忠於朝廷景仁卧家不朝謁帝常使

炳之銜命往來湛不疑也

為後廢義康誅湛張本

炳之登之之弟

也

庚登之見一百二十卷元嘉三年

燕王遣右衛將軍孫德來乞師

五月庚申魏主進宜都公穆壽爵為王汝陰公長孫

道生為上黨王宜城公奚斤為恒農王

奚斤先封宜城王以罪降為公

魏顯祖諱弘乃改弘農為恒農史以後來郡名書之長知兩翻恒戶登翻

廣陵公樓伏連為

廣陵王加壽征東大將軍壽辭曰臣祖父崇所以得効

功前朝流福於後者由梁眷之忠也

事見一百六卷晉孝武太元十年

今眷元勲未錄而臣獨奕世受賞心實愧之魏主悅求

眷後得其孫賜爵郡公壽觀之子也

穆觀見一百十九卷武帝永初三年

龜茲疏勒烏孫悅般渴槃陀部善焉耆車師粟持九

國入貢于魏

龜茲疏勒烏孫部善焉耆車師漢時舊國也悅般國在烏孫西北去代一萬九百三

十里其先北匈奴之部落為賓憲所破北單于度金微山西走康居其羸弱不能去住龜茲北地為悅般國涼州人猶謂之單于王渴槃陀國在蔥嶺東朱駒波西粟持當從魏書隋書作粟特粟特國在蔥嶺之西當康居西北去代一萬六千里漢之奄蔡國也龜茲音邱慈般釋典音鉢槃薄官翻陀徒河翻部上扇翻考異曰後魏書皆作烏耆云漢時舊國也按漢書作焉耆今從之
魏主以漢世雖通西域有

求則卑辭而來無求則驕慢不服蓋自知去中國絕遠

大兵不能至故也今報使往來徒為勞費終無所益欲

不遣使

使疏吏
翻下同

有司固請以為九國不憚險遠慕義入

貢不宜拒絕以抑將來乃遣使者王恩生等二十輩使

西域恩生等始度流沙為柔然所執恩生見敕連可汗

可從刊入
聲汗音寒

持魏節不屈魏主聞之切責敕連敕連乃遣

恩生等還竟不能達西域 甲戌魏主如雲中 六月

甲午魏主以時和年豐嘉瑞沓臻詔大酺五日

酺音
蒲

徧

祭百神用答天貺 丙午高句麗王璉遣使入貢于魏

句如字又音駒麗力知翻璉力展翻

且請國諱魏主使錄帝系及諱以與

之拜璉都督遼海諸軍事征東將軍遼東郡公高句麗

王璉釗之曾孫也

高句麗王釗為燕所破見八十七卷晉成帝咸康八年

戊申魏

主命驃騎大將軍樂平王丕

驃匹妙翻騎奇寄翻樂音洛

鎮東大將

軍徒河屈垣等帥騎四萬伐燕

魏書官氏志內入諸姓尸突氏為屈氏

楊州諸郡大水己酉運徐豫南兗穀以賑之

賑津

楊州

西曹主簿沈亮建議以為酒糜穀而不足療饑

自晉以來公府

分東西曹各請權禁止詔從之亮林子之子也

沈林子隨武帝

有征伐有功

秋七月魏主旻于稠陽

稠陽北出即光祿塞漢五原之北遼也師古曰

稠音固

己卯魏樂平王丕等至和龍燕王以牛酒犒軍

犒苦到翻

獻甲三千屈垣責其不送侍子掠男女六千口而

還 八月丙戌魏主如河西九月甲戌還宮 魏左僕

射河間公安原恃寵驕恣或告原謀為逆冬十月癸卯

原坐族誅 甲辰魏主如定州十一月乙丑如冀州己

巳旻于廣川丙子如鄴 魏人數伐燕

數所角翻

燕日危蹙

上下憂懼太常楊崕復勸燕王速遣太子入侍

崕音岷復扶又

翻

燕王曰吾未忍為此若事急且東依高麗以圖後舉

崕曰魏舉天下以擊一隅理無不克高麗無信始雖相

親終恐為變燕王不聽密遣尚書陽伊請迎于高麗

燕為

王為高麗所殺張本麗力知翻

丹楊尹蕭摹之上言佛化被于中國

已歷四代

四代漢魏晉宋也被皮義翻

形像塔寺所在千數自頃以

來情敬浮末不以精誠為至更以奢競為重材竹銅綵

糜損無極無聞神祇有累人事

累力瑞翻

不為之防流遁未

息請自今欲鑄銅像及造塔寺者皆當列言須報乃得

為之詔從之摹之思話從叔也

從才用翻

魏秦州刺史薛

謹擊吐沒骨滅之楊難當釋楊保宗之囚

囚保宗事見上九年

使鎮董亭

水經注谷水出上邽東南涇谷之山東北歷董亭下楊難當使兄子保宗鎮董亭即是亭

也董董字相近

考異曰後魏

書作董亭宋書作董今從之

資治通鑑卷一百二十二

資治通鑑卷一百二十三 宋 司馬光 撰

胡三省 音註

宋紀五

起柔兆困敦盡重光
大荒落凡六年

太祖文皇帝中之上

元嘉十三年春正月癸丑朔上有疾不朝會

朝直遙
翻下同

甲寅魏主還宮 二月戊子燕王遣使入貢於魏

使疏
翻

下請送侍子魏主不許

燕王屢請送侍子而不
至魏主知其詐故不許

將舉兵

討之壬辰遣使者十餘輩詣東方高麗等諸國告諭之

諭以燕王之罪使不得與通或有奔逸使不得容受之也司空江州刺史永脩公檀

道濟

漢靈帝中平中立永脩縣屬豫章郡隋開皇九年併入建昌縣

立功前朝威名甚

重左右腹心並經百戰諸子又有才氣朝廷疑畏之

直朝

遙翻帝久疾不愈劉湛說司徒義康以為宮車一日晏駕

道濟不復可制

說翰納翻復扶又翻下足復同

會帝疾篤義康言于帝

召道濟入朝其妻向氏謂道濟曰

姓譜祁姓之後為向國向式亮翻又如字

高世之勲自古所忌今無事相召禍其至矣既至留之

累月帝稍間

間如字

將遣還已下渚

道濟將還江州船已下秦淮渚

未發

會帝疾動義康矯詔召道濟入祖道因執之三月己未

下詔稱道濟潛散金貨招誘剽猾

誘音酉剽匹妙翻

因朕寢疾

規肆禍心收付廷尉并其子給事黃門侍郎植等十一

人誅之唯宥其孫孺

唯宥諸孫之在童孺者

又殺司空參軍薛彤

高進之二人皆道濟腹心有勇力時人比之關張

關羽張飛

也道濟見收憤怒目光如炬脫幘投地曰乃壞汝萬里

長城

壞音怪

魏人聞之喜曰道濟死吳子輩不足復憚

為後

魏人入寇帝
思道濟張本

庚申大赦以中軍將軍南譙王義宣為江

州刺史辛未魏平東將軍娥清安西將軍古弼將精

騎一萬伐燕平州刺史拓跋嬰帥遼西諸軍會之

將即亮翻

騎奇寄翻帥
讀曰率下同

氏王楊難當自稱大秦王改元建義立

妻為王后世子為太子置百官皆如天子之制然猶貢

奉宋魏不絕夏四月魏娥清古弼攻燕白狼城克之

白狼縣漢屬右北平郡燕以白狼城為重鎮置并
州魏後并入建德郡廣都縣有白狼山白狼水

高麗

遣其將葛盧孟光將衆數萬隨陽伊至和龍迎燕王

去
年

燕遼陽伊請
迎于高麗

高麗屯于臨川

臨川在和龍城東

燕尚書令郭生

因民之憚遽開城門納魏兵

考異曰後魏古弼傳作大臣古泥今從十六國春秋

鈔魏人疑之不入生遂勒兵攻燕王王引高麗兵入自

東門與生戰于闕下生中流矢死

中竹仲翻

葛盧孟光入城

命軍士脫弊褐取燕武庫精仗以給之大掠城中五月

乙卯燕王帥龍城見戶東徙

帥讀曰率見賢通翻馮氏歷二主二十八年而滅

焚宮殿火一旬不滅令婦人被甲居中陽伊等勒精兵

居外葛盧孟光帥騎殿後

被皮義翻殿丁句翻

方軌而進前後八

十餘里古弼部將高荀子帥騎欲追之

將即亮翻帥讀曰率騎奇寄翻

弼醉拔刀止之故燕王得逃去魏主聞之怒檻車徵弼

及娥清至平城皆黜為門卒戊午魏主遣散騎常侍封

撥使高麗

散悉重翻騎奇寄翻使疏吏翻

令送燕王 丁卯魏主如河

西 六月詔寧朔將軍蕭汪之將兵討程道養軍至鄴

口

鄴江源出今潼川府銅山縣歷遂寧府長江縣而合于涪水謂之鄴口鄴音妻

帛氏奴請降

降戶江翻

道養兵敗還入鄴山 赫連定之西遷也

事見上卷八年

楊難當遂據上邽秋七月魏主遣驃騎大將軍樂平王

丕尚書令劉絜督河西高平諸軍以討之先遣平東將

軍崔贍齎詔書諭難當

驃匹妙翻騎奇寄翻贍士輩翻

魏散騎侍郎

游雅來聘

姓譜鄭公子偃字子游後以為氏魏為廣平望姓

己未零陵王太

妃褚氏卒追諡曰晉恭思皇后葬以晉禮八月魏主

畋于河西魏主遣廣平公張黎發定州兵一萬二千

通莎泉道

莎泉在靈丘魏收地形志靈丘郡有莎泉縣隋廢靈丘為縣併莎泉入馬莎素何翻

九月庚戌魏樂平王丕等至略陽楊難當懼請奉詔攝

上邽守兵還仇池諸將議以為不誅其豪帥

帥所類翻

軍還

之後必相聚為亂又大衆遠出不有所掠無以充軍實

賞將士丕將從之中書侍郎高允參丕軍事諫曰如諸

將之謀是傷其向化之心大軍既還為亂必速丕乃止

還從宣翻撫慰初附秋毫不犯秦隴遂安難當以其子

又如字

順為雍州刺史鎮下辨雍於用翻高麗不送燕王於

辨步覓翻

魏遣使奉表稱當與馮弘俱奉王化魏主以高麗違詔

議擊之將發隴右騎卒麗力知翻使疏劉絜曰秦隴新

吏翻騎奇寄翻

民且當優復新民新附之民俟其饒實然後用之樂平

也復方目翻

王丕曰和龍新定空廣脩農桑以豐軍食然後進取則高麗一舉可滅也魏主乃止 癸丑封皇子濬為始興

王駿為武陵王 冬十一月己酉魏主如相陽相音國驅

野馬於雲中置野馬苑閏月壬子還宮 初高祖克長

安事見一百十八卷晉安帝義熙十三年得古銅渾儀渾戶本翻儀狀雖舉不

綴七曜日月五星謂之七曜是歲詔太史令錢樂之更鑄渾儀徑

六尺八分以水轉之昏明中星與天相應孟春之月昏參中旦尾中

仲春之月昏弧中旦建星中季春之月昏七星中旦牽牛中孟夏之月昏翼中旦婺女中仲夏之月昏亢中旦

危中季夏之月昏火中旦奎中孟秋之月昏建星中旦
畢中仲秋之月昏牽牛中旦觜中季秋之月昏虛中
旦柳中孟冬之月昏危中旦七星中仲冬之月昏東
壁中旦軫中季冬之月昏婁中旦次中更工衡翻

柔然與魏絕和親犯魏邊

柔然與魏和見上卷八年

吐谷渾惠王

慕瓚卒弟慕利延立

瓚古回翻

十四年春正月戊子魏北平

宣王長孫嵩卒

長知兩翻

辛卯大赦

二月乙卯魏主如

幽州三月丁丑魏主以南平王渾為鎮東大將軍儀同

三司鎮和龍己卯還宮

帝遣散騎常侍劉熙伯如魏

議納幣

散悉重翻騎奇寄翻

會帝女亡而止

魏請婚始上卷十年

夏四月

趙廣張尋梁顯等各帥衆降別將王道恩斬程道養送

首餘黨悉平

九年趙廣等反今乃平帥讀曰率降戶江翻將即亮翻

丁未以輔國

將軍周籍之為益州刺史魏主以民官多貪

郡守縣令親民

之夏五月己丑詔吏民得舉告守令不如法者於是姦

猾專求牧宰之失迫脇在位橫於閭里

橫戶孟翻

而長吏咸

降心待之貪縱如故

長知兩翻

丙申魏主如雲中

秋七

月戊子魏永昌王健等討山胡白龍餘黨于西河滅之

八月甲辰魏主如河西九月甲申還宮丁酉魏主

遣使者拜吐谷渾王慕利延為鎮西大將軍儀同三司

改封西平王 冬十月癸卯魏主如雲中十一月壬申

還宮 魏主復遣散騎侍郎董琬高明等多齎金帛使

西域招撫九國

復扶又翻下不復為復同九國入貢見上卷十二年

琬等至烏孫

其王甚喜曰破落那者舌二國

破落那漢大宛國也去代萬四千四百五十里

者舌漢康居國也去代萬五千四百五十里

皆欲稱臣致貢于魏但無路自

致耳今使君空過撫之乃遣導譯送琬詣破落那明詣

者舌旁國聞之爭遣使者隨琬等入貢凡十六國自是

每歲朝貢不絕

朝直
建朝

魏主以其妹武威公主妻河西

王牧捷

妻七細
捷居言翻

河西王遣宋繇奉表詣平城謝且問

公主所宜稱魏主使群臣議之皆曰母以子貴妻從夫

爵

春秋之義母以子貴禮
記婦人無爵從夫之爵

牧捷母宜稱河西國太后公

主於其國稱王后於京師則稱公主魏主從之初牧捷

娶涼武昭王之女及魏公主至李氏與其母尹氏遷居

酒泉頃之李氏卒尹氏撫之不哭曰汝國破家亡今死

晚矣牧捷之弟無諱鎮酒泉謂尹氏曰后諸孫在伊吾

李寶奔伊吾見一百十
九卷營陽王景平元年

后欲就之乎尹氏未測其意給

之曰吾子孫漂蕩託身異域餘生無幾當死此不復為

禮裘之鬼也未幾潛奔伊吾無諱遣騎追及之尹氏謂

追騎曰沮渠酒泉許吾歸北何為復追汝取吾首以往

吾不復還矣追騎不敢逼引還尹氏卒于伊吾

史言尹氏義烈

給蕩亥翻幾居豈翻復扶
又翻騎奇寄翻卒于恤翻

牧犍遣將軍沮渠旁周入貢

于魏魏主遣侍中古弼尚書李順賜其侍臣衣服并徵

世子封壇入侍是歲牧犍遣封壇如魏亦遣使詣建康

使疏
吏翻

獻雜書及敦煌趙旼所撰甲寅元曆

敦徒門翻旼
積為史魏書

作歐撰
士免翻

并求雜書數十種

種章
勇翻

帝皆與之李順自河西

還魏主問之曰卿往年言取涼州之策朕以東方有事

未遑也今和龍已平吾欲即以此年西征可乎對曰臣

疇昔所言

見上卷
十年

以今觀之私謂不謬然國家戎車屢

動士馬疲勞西征之議請俟他年魏主乃止

十五年春二月丁未以吐谷渾王慕利延為都督西秦

河沙三州諸軍事鎮西大將軍西秦河二州刺史隴西

王 三月癸未魏主詔罷沙門年五十以下者

以其強壯罷使

為民以

初燕王弘至遼東高麗王璉遣使勞之曰

麗力

從征役

知翻璉力辰翻使疏吏翻勞力到翻

龍城王馮君爰適野次士馬勞乎弘

慙怒稱制讓之高麗處之平郭

處昌呂翻

尋徙北豐弘素侮

高麗政刑賞罰猶如其國高麗乃奪其侍人取其太子

王仁為質

質音致

弘怨高麗遣使上表求迎上遣使者王

白駒等迎之并令高麗資遣高麗王不欲使弘南來遣

將孫漱高仇等殺弘于北豐并其子孫十餘人

果如楊崕之言

將即亮翻下同謚弘曰昭成皇帝白駒等帥所領七千餘人掩

討漱仇殺仇生擒漱高麗王以白駒等專殺遣使執送

之上以遠國不欲違其意下白駒等獄下遐已而原之

稼翻

夏四月納故黃門侍郎殷淳女為太子劬妃 五月

戊寅魏大赦 丙申魏主如五原秋七月自五原北伐

柔然命樂平王丕督十五將出東道永昌王健督十五

將出西道魏主自出中道至浚稽山復分中道為二陳

留王崇從大澤向涿邪山魏主從浚稽北向天山西登

白阜

天山在漢北即唐鐵勒思結多濫葛所保之地非伊吾之折羅漫山也白阜疑即雪山復扶又翻邪

讀曰耶

不見柔然而還時漠北大旱無水草人馬多死

冬十一月丁卯朔日有食之 十二月丁巳魏主至平

城 豫章雷次宗好學

好呼到翻下同

隱居廬山

廬山在尋陽今在南康城

北十五里尋陽之南正面廬山嘗徵為散騎侍郎不就是歲以處士徵

至建康為開館於雞籠山

雞籠山在臺城北郊散悉賈翻騎奇寄翻處昌呂翻為子

偽翻使聚徒教授帝雅好藝文使丹楊尹廬江何尚之立

立學太子率更令何承天立史學

晉志太子率更令主宮殿門戶及賞罰事

職如光祿勳衛尉更工衛尉

司徒參軍謝元立文學并次宗儒學為

四學元靈運之從祖弟也帝數幸次宗學館令次宗以

巾構侍講

從才用翻數所角翻構古戾翻江南人士交際以為盛服蓋次于朝服毛脩之不肯以巾

講到殷景仁之門是也蜀註曰巾謂巾幘構謂單衣

資給甚厚又除給事中不就

久之還廬山

臣光曰易曰君子多識前言往行以畜其德

行卜孟翻易大

畜彖辭

孔子曰辭達而已矣

論語所記

然則史者儒之一端

文者儒之餘事至于老莊虛無固非所以為教也夫

學者以求道天下無二道安有四學哉

帝性仁厚恭儉勤於為政守法而不峻容物而不弛百

官皆久於其職守宰以六期為斷吏不苟免民有所係

三十年間四境之內晏安無事戶口蕃息

斷丁亂翻蕃音煩

出

租供徭止於歲賦

歲賦常賦也言不額外取民

晨出暮歸自事而已

自適已問閭之間講誦相聞士敦操尚鄉恥輕薄江左

風俗於斯為美後之言政治者皆稱元嘉焉

治直吏翻

十六年春正月庚寅司徒義康進位大將軍領司徒

自漢

以來大將軍位三公上司徒丞相
職也義康既進位猶領司徒職
南充州刺史江夏王

義恭進位司空

夏戶雅翻

魏主如定州

初高祖遺詔令

諸子次第居荊州臨川王義慶在荊州八年欲為之選

代

為子偽翻

其次應在南譙王義宣帝以義宣人才凡鄙置

不用二月己亥以衡陽王義季為都督荆湘等八州諸

軍事荊州刺史義季嘗春月出畋有老父被苦而耕被

皮

義翻苦

左右斥之老父曰盤于遊畋古人所戒

夏太康以遊畋

失國周公以文王戒成王盤樂也

今陽和布氣一日不耕民失其時奈

何以從禽之樂而驅斥老農也

樂音洛

義季止馬曰賢者

也命賜之食辭曰大王不奪農時則境內之民皆飽大

王之食老夫何敢獨受大王之賜乎義季問其名不告

而退 三月魏雍州刺史葛那寇上洛

魏雍州刺史治長安此北上洛

也南上洛寄治魏興魏書官氏志內入諸姓賀葛氏改為葛氏雍於用翻

上洛太守鐔長生

棄郡走

鐔徐林翻

辛未魏主還宮

楊保宗與兄保顯自

童亭奔魏

保宗鎮童亭見上卷十二年

庚寅魏主以保宗為都督隴

西諸軍事征西大將軍開府儀同三司秦州牧武都王

鎮上邽妻以公主

妻七細翻

保顯為鎮西將軍晉壽公

河

西王牧捷通于其嫂李氏兄弟三人傳嬖之

傳通也以便辟得幸

曰嬖嬖卑義翻

李氏與牧捷之姊共毒魏公主

公主魏主妹也

魏主遣解毒醫乘傳救之得愈

傳知惡翻

魏主徵李氏牧捷

不遣厚資給使居酒泉魏每遣使者詣西域

使疏吏翻下同

常

詔牧捷發導護送出流沙使者自西域還至武威牧捷

左右有告魏使者曰我君承蠕蠕可汗妄言云

可從刊入聲汗

音寒去歲魏天子自來伐我士馬疫死大敗而還

還從宣翻又如

字下 我擒其長弟樂平王丕我君大喜宣言於國又聞

可汗遣使告西域諸國稱魏已削弱今天下唯我為彊

若更有魏使勿復供奉西域諸國頗有貳心

復扶又翻下能復同

兩屬曰貳西域既貢奉魏使還具以狀聞魏主遣尚書

又信柔然之言是有貳心

賀多羅使凉州觀虛實多羅還亦言牧犍雖外脩臣禮

內實乖悖

悖蒲內翻又蒲沒翻

魏主欲討之以問崔浩對曰牧犍

逆心已露不可不誅官軍往年北伐雖不克獲實無所

損戰馬三十萬匹計在道死傷不滿八千常歲羸死亦

不減萬匹

贏倫為翻

而遠方乘虛遽謂衰耗不能復振今出

其不意大軍猝至彼必駭擾不知所為擒之必矣魏主

曰善吾意亦以為然於是大集公卿議於西堂

魏平城太極殿

有東弘農王奚斤等三十餘人皆曰牧捷西垂下國雖

心不純臣然繼父位以來職貢不乏朝廷待以藩臣妻

以公主

妻七細翻

今其罪惡未彰空加恕宥國家新征蠕蠕

蠕人充翻

士馬疲弊未可大舉且聞其土地鹵瘠

鹹地曰鹵瘠地曰瘠

難得水草大軍既至彼必嬰城固守攻之不拔野無所

掠此危道也初崔浩惡尚書李順

伐夏之役浩順有隙順以使涼為魏主所

寵待浩愈惡之惡烏路翻

順使涼州凡十二返

使疏吏翻

魏主以為能涼

武宣王數與順遊宴

沮渠蒙遜謚武宣王數所角翻

對其群下時為驕

慢之語恐順泄之隨以金寶納于順懷順亦為之隱

亦為

于偽

浩知之密以白魏主魏主未之信及議伐涼州順

與尚書古弼皆曰自溫圉水以西至姑臧

據北史溫圉水當作溫圉

地皆枯石絕無水草彼人言姑臧城南天梯山上冬有

積雪深至丈餘春夏消釋下流成川居民引以溉灌彼

聞軍至決此渠口水必乏絕

彼人謂涼人也

環城百里之內

音環

官地不生草人馬饑渴難以久留斤等之議是也魏主

乃命浩與斤等相詰難衆無復他言但云彼無水草浩

曰漢書地理志稱涼州之畜為天下饒若無水草畜何

以蕃

詰去吉翻難乃旦翻復扶又翻下敢復同漢書地理志曰涼州土廣民稀水草宜畜牧故涼州之畜

為天下饒畜許叔翻又許六翻蕃音繁

又漢人終不於無水草之地築城

郭建郡縣也且雪之消釋僅能斂塵何得通渠溉灌乎

此言大為欺誣矣

欺誣也誣詐也

李順曰耳聞不如目見吾嘗

目見何可共辯浩曰汝受人金錢欲為之遊說謂我目

不見便可欺邪帝隱聽聞之

為于偽翻說輸芮翻
隱聽者隱屏而聽也

乃出

見斤等辭色嚴厲羣臣不敢復言唯唯而已

唯于
於翻

羣臣

既出振威將軍代人伊馱言於帝

馱蒲
撥翻

曰涼州若果無

水草彼何以為國衆議皆不可用宣從浩言帝善之夏

五月丁丑魏主治兵於西郊

治直
之翻

六月甲辰發平城使

侍中宣都王穆壽輔太子晃監國決留臺事內外聽焉

監工
街翻

又使大將軍長樂王稽敬

稽敬北史作嵇敬當從
之魏書官氏志北方諸

姓紇吳氏改為嵇氏輔國大將軍建寧王崇將二萬人屯漠南以

備柔然

王將即亮翻

命公卿為書以讓河西王牧犍數其十

二罪且曰若親帥群臣委贄遠迎

數所具翻帥讀曰率古者執贄以見拜贄

首則委之於地起則取而進之此之謂委贄

謁拜馬首上策也六軍既臨面

縛輿櫬其次也若守迷窮城不時悛悟

櫬初觀翻悛丑緣翻

身死

族滅為世大戮空思厥中自求多福已酉改封隴西

王吐谷渾慕利延為河南王魏主自雲中濟河秋七

月己巳至上郡屬國城

漢置屬國於邊郡以處降胡此屬國城漢舊城也班書地理志

上郡龜茲縣屬國都尉治

壬午留輜重部分諸軍

重直用翻分扶問翻

使撫軍

大將軍永昌王健尚書令劉絜與常山王素為前鋒兩

道並進驃騎大將軍樂平王丕太宰陽平王杜超為後

繼

驃匹妙翻騎奇寄翻

以平西將軍源賀為鄉導

鄉讀曰嚮

魏主問賀

以取涼州方略對曰姑臧城旁有四部鮮卑皆臣祖父

舊民

秃髮傳檀據姑臧既而為沮渠所取有四部鮮卑留居城外賀傳檀之子也

臣願處軍

前

處昌呂翻

宣國威信示以禍福必相帥歸命

帥讀曰率

外援既

服然後取其孤城如反掌耳魏主曰善八月甲午永昌

王健獲河西畜產二十餘萬河西王牧健聞有魏師驚
曰何為乃爾用左丞姚定國計不肯出迎求救于柔然
遣其弟征南大將軍董來將兵萬餘人出戰於城南

將來將

即亮翻

望風奔潰劉絜用卜者言以為日辰不利斂兵不

追董來遂得入城魏主由是怒之

為魏誅劉絜張本

丙申魏主

至姑臧遣使諭牧健令出降

使疏吏翻降戶江翻

牧健聞柔然欲

入魏邊為寇冀幸魏主東還遂嬰城固守其兄子祖趯
城出降魏主具知其情乃分軍圍之源賀引兵招慰諸

部下三萬餘落故魏主得專攻姑臧無復外慮

復扶又翻下不

復魏主見姑臧城外水草豐饒由是恨李順謂崔浩曰

卿之昔言今果驗矣

自是魏主決意誅李順矣

對曰臣之言不敢不

實類皆如此魏主之將伐涼州也太子晃亦以為疑至

是魏主賜太子詔曰姑臧城西門外涌泉合於城北其

大如河自餘溝渠流入漠中其間乃無燥地故有此敕

以釋汝疑 庚子立皇子鐸為南平王

鐸書樂翻

九月丙

戌河西王牧犍兄子萬年帥所領降魏

考異曰宋書氏胡傳曰茂虔

兄子萬年為虜內應茂虔見執今從
後魏書帥讀曰率降戶江翻下同

姑臧城潰牧捷帥

其文武五千人面縛請降魏主釋其縛而禮之收其城

內戶口二十餘萬倉庫珍寶不可勝計使張掖王禿髮

保周

保周奔魏封張掖公今進為王保周源賀之兄也勝音升

龍驤將軍穆羆

驤思將翻

安遠將軍源賀分徇諸郡雜胡降者又數十萬初牧捷

以其弟無諱為沙州刺史都督建康以西諸軍事領酒

泉太守宜得為秦州刺史都督丹嶺以西諸軍事領張

掖太守

丹嶺在姑臧西即刪丹嶺

安周為樂都太守

乞伏衰滅樂都亦為沮渠所有

樂音洛

考異曰宋書宣得作儀

德安周作從子豐周今從後魏書

從弟唐兒為敦煌太

守

從才用翻
敦徒門翻

及姑臧破魏主遣鎮南將軍代人奚眷擊

張掖鎮北將軍封沓擊樂都宣得燒倉庫西犇酒泉安

周南犇吐谷渾封沓掠數千戶而還

還從宣翻
又如字

奚眷進

攻酒泉無諱宣得收遺民犇晉昌遂就唐兒於敦煌魏

主使弋陽公元絜守酒泉及武威張掖皆置將守之

即將

亮魏主置酒姑臧謂群臣曰崔公智畧有餘吾不復以

為奇

復扶
又翻

伊馘弓馬之士而所見乃與崔公同深可奇

也。馘善射，能曳牛却行走，及犇馬而性忠謹，故魏主特

愛之。魏主之西伐也，穆壽送至河上。

自平城送魏主西至河

魏主

敕之曰：「吳提與牧捷相結，素深聞朕討牧捷，吳提必犯

塞。

柔然敕連可汗名吳提

朕故留壯兵肥馬，使卿輔佐太子收田

既畢，即發兵詣漠南分伏要害，以待虜至，引使深入，然

後擊之，無不克矣。涼州路遠，朕不得救，卿勿違朕言。壽

頓首受命。壽雅信中書博士公孫質，以為謀主。壽質皆

信卜筮，以為柔然必不來，不為之備。質軌之弟也。

公孫軌見

一百二十
卷四年

柔然敕連可汗聞魏主向姑臧乘虛入寇留

其兄乞列歸與嵇敬建寧王崇相拒于北鎮

北鎮即魏主破降高

車所置六鎮也以在平城之北故曰北鎮或曰北鎮直代都北即懷朔鎮

自帥精騎深入

帥讀

曰率騎奇寄翻

至善無七介山平城大駭民爭走中城

走音奏

穆

壽不知所為欲塞西郭門

塞悉則翻

請太子避保南山竇太

后不聽而止

竇太后即保太后

遣司空長孫道生征北大將軍

張黎拒之於吐頽山會嵇敬建寧王崇擊破乞列歸於

陰山之北擒之并其伯父他吾無鹿胡及將帥五百人

將即亮制
帥所類翻

斬首萬餘級敕連聞之道去追至漠南而還

冬十月辛酉魏主東還留樂平王丕及征西將軍賀多

羅鎮涼州徙沮渠牧犍宗族及吏民三萬戶于平城

考

異曰十六國春秋鈔云
十萬戶今從後魏書

癸亥禿髮保周帥諸部鮮卑

據張掖叛魏

帥讀
曰率

十二月乙亥太子劬加元服大赦

劬美鬚眉好讀書便弓馬喜延賓客

好呼到翻喜許
記翻下尤喜同

意

之所欲上必從之東宮置兵與羽林等

師古曰羽林宿
衛之官言其如

羽之疾如林之多也為
劬以東宮兵弑逆張本

壬午魏主至平城以柔然入

寇無大失亡故穆壽等得不誅魏主猶以妹婿待沮渠

牧犍征西大將軍河西王如故牧犍母卒葬以太妃之

禮武宣王置守冢三十家為沮渠蒙遜置守冢涼州自張氏以來

號為多士永嘉之亂中州之人士避地河西張氏禮而用之子孫相承衣冠不墜故涼州號為多士

沮渠牧犍尤喜文學以敦煌闕駟為姑臧太守敦煌門

音因張湛

為兵部尚書

曹魏置五兵尚書據此則兵部之號起于河西

劉昞

索敞陰興為國師助教金城宋欽為世子洗馬

索昔各翻洗悉

薦趙柔為金部郎曹魏置二十三郎金部其一也主財帛委輸

廣平程駿駿

從弟弘為世子侍講

從才用翻

魏主克涼州皆禮而用之以

闕駟劉昺為樂平王丕從事中郎安定胡叟少有俊才

少詩照翻

往從牧犍牧犍不甚重之叟謂程弘曰貴主居僻

陋之國而淫名僭禮以小事大而心不純壹外慕仁義

而實無道德其亡可翹足待也吾將擇木

左傳衛孔文子將攻太叔

疾訪於仲尼仲尼曰甲兵之事未之學也退命駕而行曰鳥則擇木木豈能擇鳥

先集于魏與

子暫違非久闊也遂適魏歲餘而牧犍敗魏主以叟為

先識拜虎威將軍賜爵始復男

按地名無始復漢書地理志越舊郡有姑復縣

或者始字其姑字之誤乎

河內常與世寓涼州不受禮命魏主以為

宣威將軍河西右相宋繇從魏主至平城而卒

相息亮翻卒子

恤魏主以索敞為中書博士時魏朝方尚武功

朝直遙翻貴

遊子弟不以講學為意

鄭玄曰貴遊子弟王公之子弟遊無官司者

敞為博

士十餘年勤於誘導肅而有禮

誘音酉

貴遊皆嚴憚之多

所成立前後顯達至尚書牧守者數十人

守手又翻

常與置

館於溫水之右

水經註桑乾城西十里有溫湯

教授七百餘人與立賞

罰之科弟子事之如嚴君由是魏之儒風始振高允每

稱與訓厲有方曰文翁柔勝先生剛克

漢景帝末文翁為蜀郡守仁愛

好教化選郡縣小吏開敏有才者詣京師受業博士又修起學官于成都市中招下縣子弟為學官弟子為除更繇由是大化至今巴蜀好儒雅文翁之教也

立教雖

殊成人一也陳留江強寓居涼州獻經史諸子千餘卷

及書法亦拜中書博士

魏延昌三年強孫式上表曰臣聞伏羲氏作而八卦形其畫軒

轅氏興而靈龜彰其彩古史倉頡覽二象之文觀鳥獸之跡別初文字以代結繩用書契以維事迄于三代厥體頗異雖依類取制未能違倉氏矣故周禮八成入小學保氏教以六書蓋是史頡之遺法及宣王太史史籀著大篆十五篇與古文或同或異時書謂之籀書孔子修六經左邱明述春秋皆以古立厥意可得而言其後

七國殊軌文字乖別暨秦兼天下丞相李斯乃奏蠲罷不合秦文者斯作倉頡篇車府令高作爰歷篇太史令胡毋敬作博學篇皆取史籀式頗有省改所謂小篆者也於是秦燒經書滌除舊典官獄煩多以趣簡易始用隸書古文自此息矣隸書者始皇使下杜人程邈附于小篆所作也世人以邈徒之即謂之隸書故秦有八體一曰大篆二曰小篆三曰行書四曰蟲書五曰篆印六曰署書七曰殳書八曰隸書漢興有尉律學復教以籀書又習八體試之課最以為尚書史書省字不正輒舉勅馬又有草書莫知誰始其形書雖無厭詮亦一時之變通也孝宣時召通倉頡讀者獨張敞從受之涼州刺史杜業沛人爰禮講學大夫秦近亦能言之孝平時徵禮等百餘人說文字於未央宮中以禮為小學元士黃門侍郎楊雄採以作訓纂篇及亡新居攝自以運應制作使大司馬甄豐校文字之部頗改定古文時有六書一曰古文孔子壁中書也二曰奇字即古文而異者三

曰篆書云小篆也四曰佐書秦隸書也五曰繆篆所以
摹印也六曰鳥蟲所以書旂信也壁中書者魯恭王壞
孔子宅而得尚書春秋論語孝經也又北平侯張蒼獻
春秋左氏傳書體與孔氏相類即前代之古文矣後漢
扶風曹喜號曰工篆小異斯法而甚精巧自是後學皆
其法也又詔侍中賈逵脩理舊文殊藝異術王教一端
苟有可以加于國者靡不悉集逵即汝南許慎古學之
師也後慎嗟時人之好奇歎俗儒之穿鑿故撰說文解
字十五篇首一終玄各有部屬可謂類聚群分雜而不
越文質彬彬最可得而論也左中郎將蔡邕採李斯曹
喜之法以為古今雜形詔于太學立石碑刊載五經題
書楷法多是邕書也後開鴻都書畫奇能莫不雲集特
諸方獻篆無出邕者魏初博士清河張揖著埤蒼廣雅
古今字詁方之許篇古今體用或得或失陳留邯鄲淳
亦與揖同博聞古藝特善蒼雅許氏字指八體六書精
究厥理有名於揖以書教諸皇子又建三字石經於漢

碑西其文蔚煥三體復宣較之說文篆隸大同而古字小異又有京兆韋誕河東衛覲二家並號能篆當時臺觀牋題寶器之銘悉是說書咸傳之子孫世稱其妙晉世呂忱表上字林六卷尋其況趣附託許慎說文而按偶章句隱別古籍奇惑之字文得正隸不差篆意也忱弟靜別做故左校令李登聲類之法作韻集五卷使宮商角徵羽各為一篇而文字與兄便是魯衛音讀楚夏時有不同皇魏承百王之季紹五運之緒世易風移文字改變篆形謬錯隸體失真俗學鄙習復加虛造巧談辨士以意為疑炫惑于時難以釐改乃曰追來為歸巧言為辯小免為覲神虫為蠶如斯甚衆皆不合孔氏古書史籀大篆許氏說文石經三字也嗟夫文字者六籍之宗王教之始前人所以垂今今人所以識古臣六世祖瓊家世陳留往晉之初與從父兄皆受學于衛覲古篆之法蒼雅方言說文之證當時並收善舉而祖遇洛陽之亂避地河西數世傳習斯業所以不墜也世祖太

延中牧捷內附臣亡祖文威杖策歸國奉獻五世傳掌
之書古篆八體之法時蒙褒錄叙列于儒林官班文省
家號世業臣藉六世之資奉遵祖考之訓切慕古人之
軌企踐儒門之轍求撰集古來文字以許慎說文為主
及孔氏尚書五經音註篇篇爾雅三蒼凡將方言通俗
文祖文宗碑蒼廣雅古今字詁三字石經字林韻集諸
賦文字有六書之詮者以類編聯文無複重統為一部
其石籀奇或俗隸諸體咸使班于篆下各有區別訓詁
假借之詮隨文而解音讀楚夏之聲逐字而註其所不
知則闕如也冀省百氏之觀而同文字之域詔如所請
中書自曹魏置監令以來未嘗
置博士蓋拓拔氏初置是官也

魏主命崔浩監祕書事

監工
銜翻

綜理史職以中書侍郎高允散騎侍郎張偉參典

著作

曹魏明帝景初初中書改置監令又置通事
郎及晉改曰中書侍郎散悉豐翻騎奇寄翻

浩啟

稱殷仲達段承根涼土美才請同修國史皆除著作郎

仲達武威人承根暉之子也

段暉事乞伏熾
磐暮末父子

浩集諸歷

家考校漢元以來日月薄食五星行度

漢元漢
初也

并譏前

史之失別為魏歷以示高允允曰漢元年十月五星聚

東井

見九卷漢高
帝元年考異

此乃歷術之淺事今譏漢史而不覺

此謬恐後人之譏今猶今之譏古也浩曰所謬云何允

曰紫星傳太白辰星常附日而行十月日在尾箕

孟冬
之月

日在尾言在尾箕者竟一月言之也傳直應翻

昏没于申南而東井方出于寅

北二星何得背日而行

背蒲妹翻

是史官欲神其事不復推

之於理也

復如字又扶又翻

浩曰天文欲為變者何所不可邪

允曰此不可以空言爭宜更審之坐者咸怪允之言唯

東宮少傅游雅曰

東宮少傅即太子少傅少詩照翻

高君精於歷數當

不虛也後歲餘浩謂允曰先所論者本不經心乃更考

究果如君言五星乃以前三月聚東井非十月也衆乃

歎服允雖明歷初不推步及為人論說

為于偽翻

唯游雅知

之雅數以災異問允

數所角翻

允曰陰陽災異知之甚難既

已知之復恐漏泄

復扶又翻

不如不知也天下妙理至多何

以問此雅乃止魏主問允為政何先時魏多封禁良田

允曰臣少賤

允自言其少也賤少詩照翻

唯知農事若國家廣田積

穀公私有備則饑饉不足憂矣帝乃命悉除田禁以賦

百姓吐谷渾王慕利延聞魏克涼州大懼帥眾西遁

踰沙漠

帥讀曰率

魏主以其兄慕瓚有擒赫連定之功

事見上卷

八遣使撫諭之

使疏吏翻

慕利延乃還故地氏王楊難當

將兵數萬寇魏上邦

將即亮翻下同

秦州人多應之東平呂羅

漢說鎮將拓跋意頭曰難當衆盛今不出戰示之以弱

衆情離沮不可守也意頭遣羅漢將精騎千餘出衝難

當陳所向披靡

說翰芮翻陳讀曰陣披普彼翻

殺其左右騎八人難當

大驚會魏主以璽書責讓難當

璽斯氏翻

難當引還仇池

南豐太妃司馬氏卒故營陽王之后也

九年帝以江夏王義恭子朗為

南豐王奉營陽王祀以后為南豐太妃

趙廣張尋等復謀反伏誅

十四年廣

尋降至建康復謀反復扶又翻下復能復那不復無復同

十七年春正月己酉沮渠無諱寇魏酒泉元絜輕之出

城與語壬子無諱執紼以圍酒泉 二月魏假通直常

侍邢頴來聘

散騎常侍秦官也曹魏未增置貲外散騎常侍晉武帝泰始十年使貲外二人與散

騎常侍通直故謂之通直散騎常侍頴假以出使非正官也

三月沮渠無諱拔酒

泉 夏四月戊午朔日有食之 庚辰沮渠無諱寇魏

張掖秃髮保周屯刪丹

刪丹縣漢屬張掖郡後分屬西郡唐屬甘州居延海在縣界

丙戌魏主遣撫軍大將軍永昌王健督諸將討之

將即亮翻

司徒義康專總朝權上羸疾積年

羸倫為翻心勞輒發屢

至危殆義康盡心營奉藥石非口所親嘗不進或連夕

不寐內外衆事皆專決施行性好吏職

好呼到翻
下同糾剔

剔

文案莫不精盡上由是多委以事凡所陳奏入無不可

方伯以下並令義康選用生殺大事或以錄命斷之

義康

錄尚書故謂其命
為錄命斷丁亂翻

勢傾遠近朝野輻湊每旦府門常有

車數百乘

朝直遙翻
束繩證翻

義康傾身引接未嘗懈倦復能強

記耳目所經終身不忘好于稠人廣席標題所憶以示

聰明士之幹練者多被意遇

懈古隘翻復扶又翻下
同好呼到翻被皮義翻

嘗

謂劉湛曰王敬弘王球之屬竟何所堪坐取富貴復那

可解

王敬弘恬淡有重名王球簡貴虛靜皆以門望然位八坐不以文按闕心故義康云然解戶買翻然

素無學術不識大體朝士有才用者皆引入已府府僚

無施及忤旨者乃斥為臺官

晉宋以來謂天朝為天臺忤五故翻

自謂兄

弟至親不復存君臣形迹率心而行曾無猜防私置僮

六千餘人不以言臺四方獻饋皆以上品薦義康而以

次者供御上嘗冬月噉甘

甘似橘而巨其皮黃於橘其味甘於橘

歎其形

味並劣義康曰今年甘殊有佳者遣人還東府取甘大

供御者三寸領軍劉湛與僕射殷景仁有隙

事見上卷十二年

湛欲倚義康之重以傾之義康權勢已盛湛愈推崇之

無復人臣之禮上浸不能平湛初入朝上恩禮甚厚湛

善論治道諳前代故事叙致銓理

致極致也理文理也言叙其極致又銓次

其文理也治直吏翻諳烏含翻

聽者忘疲每入雲龍門御者即解駕左

右及羽儀隨意分散不夕不出以此為常及晚節驅煽

義康

馬方走而疾其鞭策曰驅大方熾而鼓其氣鼓曰煽

上意雖內離而接遇不

改嘗謂所親曰劉班方自西還宮與語常視日早晚慮

其將去比入吾亦視日早晚苦其不去

湛小字班虎故稱之為班比毗

至翻 殷景仁密言於上曰相王權重非社稷計宜少加

裁抑

相息亮翻少詩沼翻

上陰然之司徒左長史劉斌湛之宗也

斌音

大將軍從事中郎王履謚之孫也

王謚識武帝於微時晉宋之際

位任通顯

及主簿劉敬文祭酒魯郡孔肩秀皆以傾詔有寵

于義康見上多疾皆謂宮車一日晏駕宜立長君

長知兩翻

上嘗疾篤使義康具顧命詔義康還省流涕以告湛及

景仁湛曰天下艱難詎是幼主所御義康景仁並不答

考異曰南史以為義康有此言湛景仁並不答按義康雖不識大體豈敢自為此言湛常欲推崇義康豈肯

聞而不答今從宋書及宋略

而庾秀等輒就尚書議曹索晉咸康末

立康帝舊事

議曹南史作儀曹當從之曹魏置二十三郎儀曹其一也立康帝事見九十七卷索

山客

義康不知也及上疾瘳微聞之

瘳丑留翻

而斌等密謀

欲使大業終歸義康遂邀結朋黨伺察禁省

伺相吏翻

有不

與已同者必百方構陷之又採拾景仁短長或虛造異

同以告湛自是主相之勢分矣

相息亮翻

義康欲以劉斌為

丹楊尹

斌音彬

言次啟上陳其家貧言未卒

卒子恤翻

上曰以

為吳郡後會稽太守羊玄保求還

會工外翻

義康又欲以斌

代之啟上曰羊玄保求還不審以誰為會稽上時未有

所擬倉猝曰我已用王鴻自去年秋上不復往東府

史言

帝已疎忌義康而義康貪戀權勢惑于附麗者不能引退復扶又翻下同

五月癸巳劉湛遭

母憂去職湛自知罪疊已彰無復全地

疊許觀訓

謂所親曰

今年必敗常日正賴口舌爭之故得推遷耳今既窮毒

謂母子相訣則人理窮而履荼毒也

無復此望禍至其能久乎

考異曰南史云湛

伏甲於室以俟上臨弔謀又泄竟弗之幸宋書無此事按湛若謀泄當即伏誅豈得尚延半歲今從宋書

乙巳沮渠無諱復圍張掖不克退保臨松

臨松郡臨松縣當是沮渠

氏所置後字文周廢入
張掖復扶又翻下同

魏主不復加討但以詔諭之

六月丁丑魏皇孫濬生大赦改元太平真君取寇讎之

神書云輔佐北方太平真君故也

寇讎之神書見一百十九卷營陽王景平

元年太子劭詣京口拜京陵司徒義康竟陵王誕等並

從

從才用翻

南兖州刺史江夏王義恭自江都會之

夏戶雅翻

秋七月己丑魏永昌王健擊破禿髮保周于番禾保周

走遣安南將軍尉眷追之

番音盤尉紆勿翻

丙申魏太后竇

氏殂壬子皇后袁氏殂

太子劭弑逆之心萌於此矣

癸丑禿髮

保周窮迫自殺八月甲申沮渠無諱使其中尉梁偉詣

魏永昌王健請降

降戶江翻

歸酒泉郡及所虜將士元縈等

魏主使尉眷留鎮凉州

九月壬子葬哀皇后

上以

司徒彭城王義康嬖隙已著將成禍亂冬十月戊申收

劉湛付廷尉下詔暴其罪惡就獄誅之并誅其子黯亮

儼及其黨劉斌劉敬文孔肩秀等八人徙尚書庫部郎

何默子等五人於廣州

曹魏置尚書二十
三郎庫部其一也

因大赦是日

敕義康入宿留止中書省其夕分收湛等青州刺史杜

驥勒兵殿內以備非常遣人宣旨告義康以湛等罪狀
義康上表遜位詔以義康為江州刺史侍中大將軍如
故出鎮豫章初殷景仁卧疾五年

景仁卧疾始上卷十二年

雖不見

上而密函去來日以十數朝政大小必以咨之

朝直廷翻影

迹周密莫有窺其際者收湛之日景仁使拂拭衣冠左
右皆不曉其意其夜上出華林園延賢堂召景仁景仁

猶稱脚疾以小牀輿就坐誅討處分一以委之

坐徂卧翻處昌

呂翻分扶問翻初檀道濟薦吳興沈慶之忠謹曉兵上使領隊

防東掖門劉湛為領軍嘗謂之曰卿在省歲久比當相

論省謂領軍省比毗寐翻謂當為之論叙也慶之正色曰下官在省十年自

應得轉不復以此仰累復扶又翻下同累力瑞翻收湛之夕上開門

召慶之慶之戎服縛袴而入上曰卿何意乃爾急裝慶

之曰夜半喚隊主江南軍制呼長帥為隊主軍主隊主者主一隊之稱軍主者主一軍之稱

不容緩服史言沈慶之有識畧上遣慶之收劉斌殺之驍騎將軍

徐湛之遠之之子也徐遠之武帝愛壻死于司馬楚之魯宗之之難驍堅克翻騎奇寄翻

與義康尤親厚上深銜之義康敗湛之被收罪當死其

母會稽公主於兄弟為長嫡

被皮美翻會工外翻長知兩翻

素為上所

禮家事大小必咨而後行高祖微時嘗自于新洲伐荻

有納布衫襖

納與同

臧皇后手所作也既貴以付公主曰

後世有驕奢不節可以此衣示之至是公主入宮見上

號哭不復施臣妾之禮以錦囊盛納衣擲地

號戶高翻盛時征翻

曰汝家本貧賤此是我母為汝父所作

為于偽翻下右為嘗為同

今

日得一飽餐遽欲殺我兒邪上乃赦之吏部尚書王球

履之叔父也以簡淡有美名為上所重履性進利

言履務進

而好利也

深結義康及湛球屢戒之不從誅湛之夕履徒跣

告球

典跣先

球命左右為取履先溫酒與之謂曰常日語

汝云何

語牛倨翻

履怖懼不得答

怖普布翻

球徐曰阿父在汝亦

何憂

江南人士呼叔父伯父為阿父為伯父叔父者以自呼阿烏葛翻

上以球故履得

免死廢於家

據南史帝初為宣都王以球為友簡淡見重蓋素知之也

義康方用事

人爭求親暱

暱尼質翻

唯司徒主簿江湛早能自疎求出為

武陵內史檀道濟嘗為其子求婚于湛湛固辭道濟因

義康以請之湛拒之愈堅故不染于二公之難

難乃旦翻

上

聞而嘉之湛夷之子也

江夷衛用於元嘉之初

彭城王義康停省

十餘日見上奉辭便下渚上惟對之慟哭餘無所言上

遣沙門慧琳視之義康曰弟子有還理不

不讀曰否

慧琳曰

恨公不讀數百卷書初吳興太守謝述裕之弟也

謝裕見一

百十五卷晉安

累佐義康數有規益早卒

義康鎮江陵述為驃騎長

帝義熙五年

史南郡太守義康入相又為司徒左長史數所角翻

義康將南

將自建康南徙豫章

歎曰昔

謝述惟勸吾退劉班惟勸吾進今班存而述死其敗也

空哉上亦曰謝述若存義康必不至此以征虜司馬蕭

斌為義康諮議參軍領豫章太守事無大小皆以委之

斌募之子也

蕭募之見上卷十二年

使龍驤將軍蕭承之將兵

防守

驤思將翻之將即亮翻

義康左右愛念者並聽隨從

從才用翻

資

奉優厚信賜相係朝廷大事皆報示之久之上就會稽

公主宴集甚懽主起再拜叩頭悲不自勝

勝音升

上不曉

其意自起扶之主曰車子歲暮必不為陛下所容今特

請其命

義康小字車子

因慟哭上亦流涕指蔣山曰必無此慮

若違今誓便是負初寧陵

高祖葬初寧陵在蔣山

即封所飲酒賜

義康并書曰會稽姊飲宴憶弟所餘酒今封送故終主
之身義康得無恙

恙余亮翻

臣光曰文帝之於義康友愛之情其始非不隆也終
于失兄弟之歡虧君臣之義迹其亂階正由劉湛權

利之心無有厭已

厭於鹽翻

詩云貪人敗類

芮良夫桑桑之詩敗補邁

翻其是之謂乎

徵南兖州刺史江夏王義恭為司徒錄尚書事戊寅以
臨川王義慶為南兖州刺史殷景仁為揚州刺史僕射

吏部尚書如故義恭懲彭城之敗雖為總錄奉行文書

而已上乃安之

彭城義康也

上年給相府錢二十萬他物稱

此相息亮翻而義恭性奢用常不足上又別給錢年至

稱尺證翻

千萬十一月丁亥魏主如山北殷景仁既拜揚州

羸疾遂篤

羸倫為翻

上為之敕西州道上不得有車聲

偽為翻

揚州治所在建康臺城西故謂之西州宋白曰秣陵縣秦屬彭郡丹楊圖云自句容以西屬彭郡以東屬會稽郡武帝元封二年改鄣郡為丹楊郡置揚州刺史理秣陵西州橋治城之間是其理處劉繇為揚州刺史始移理曲阿孫策癸丑卒卒子十二月癸亥以光祿大夫王

號此為西州

癸丑卒

卒子

十二月癸亥以光祿大夫王

球為僕射戊辰以始興王濬為揚州刺史時濬尚幼州
事悉委後軍長史范曄主簿沈璞曄泰之子璞林子之
子也

范泰為高祖所賞愛林
子從高祖為將有功

曄尋遷左衛將軍以吏部

郎沈演之為右衛將軍對掌禁旅又以庾炳之為吏部
郎俱參機密演之勁之曾孫也

沈勁守死于洛陽以
雪父充為逆之罪

曄

有雋才而薄情淺行數犯名教為士流所鄙

行下孟翻
數所角翻

性躁競自謂才用不盡常怏怏不得志

為後范曄
謀亂張本

吏部

尚書何尚之言于帝曰范曄志趣異常

趣與趣同
七著翻

請出

為廣州刺史若在內豐成不得不加鈇鉞鈇鉞亟行

許豐

覲翻亟
臣記翻

非國家之美也帝曰始誅劉湛復遷范曄

復扶
又翻

下復人將謂卿等不能容才朕信受讒言但共知其如

此無能為害也 是歲魏寧南將軍王慧龍卒呂玄伯

留守其墓終身不去

慧龍不殺玄伯
見上卷八年

魏主欲以伊馘

為尚書封郡公馘辭曰尚書務殷公爵至重非臣年少

愚近所宜膺受

馘蒲撥翻
少詩照翻

帝問其所欲對曰中祕二省

多諸文士

中祕謂中書
省祕書省也

若恩矜不已請參其次帝善之

以為中護軍將軍祕書監 大秦王楊難當復稱武都

王 十三年難當
自稱大秦王

十八年春正月癸卯魏以沮渠無諱為征西大將軍涼

州牧酒泉王 彭城王義康至豫章辭刺史 辭江州
刺史也 甲

辰以義康都督江交廣三州諸軍事前龍驤參軍巴東

扶令育詣闕上表 驤思將
扶姓也 稱昔袁盎諫漢文帝曰淮

南王若道路遇霜露死陛下有殺弟之名文帝不用追

悔無及 見十四卷
文帝六年 彭城王義康先朝之愛子 朝直
遙翻 陛下

之次弟若有迷謬之愆正可數之以善惡

數所具翻

道之以

義方奈何信疑似之嫌一旦黜削遠送南垂草萊黔首

皆為陛下痛之

為于偽翻下竊為同

廬陵往事足為龜鑑

見百二十卷元

年恐義康年窮命盡奄忽于南臣雖微賤竊為陛下羞

之陛下徒知惡枝之宜伐豈知伐枝之傷樹伏願亟召

義康返于京甸兄弟協和君臣輯睦則四海之望塞多

言之路絕矣

塞悉則翻

何必司徒公揚州牧然後可以置彭

城王哉若臣所言於國為非請伏重誅以謝陛下表奏

即收付建康獄賜死

裴子野論曰夫在上為善若雲行雨施

施式智翻

萬物受

其賜及其惡也若天裂地震萬物所驚駭其誰弗知

其誰弗見豈戮一人之身鉗一夫之口所能攘逃所

能弭滅哉是皆不勝其忿怒而有增于疾疹也

勝音升疹

丑月以太祖之含弘尚掩耳于彭城之戮自斯以後

誰易由言

鄭玄曰由用也易以鼓翻

有宋累葉罕聞直諒豈骨鯁

之氣俗愧前古抑時王刑政使之然乎張約隕于權

臣

事見百二十卷元年

扶育斃于哲后宋之鼎鑊吁可畏哉

魏新興王俊荒淫不法三月庚戌降爵為公俊母先得

罪死俊積怨望有逆謀事覺賜死 辛亥魏賜郁久閭

乞列歸爵為朔方王沮渠萬年為張掖王

十六年魏擒乞列歸沮渠

萬年亦以是年以姑臧降魏

夏四月沮渠唐兒叛沮渠無諱無諱

留從弟天周守酒泉

從才用翻

與弟宜得引兵擊唐兒唐兒

敗死魏以無諱終為邊患庚辰遣鎮南將軍奚眷擊酒

泉 秋八月辛亥魏遣散騎侍郎張偉來聘 九月戊

戊魏永昌王健卒 冬十一月戊子王球卒己亥以丹

楊尹孟顗為尚書僕射

顗魚豈翻

酒泉城中食盡萬餘口

皆餓死沮渠天周殺妻以食戰士

食祥吏翻

庚子魏奚眷拔

酒泉獲天周送平城殺之沮渠無諱乏食且畏魏兵之

盛乃謀西度流沙遣其弟安周西擊鄯善鄯善王欲降

鄯上扇翻降戶江翻

會魏使者至勸令拒守安周不能克退保東

城

鄯善國之東城也

氏王楊難當傾國入寇謀據蜀土遣其

建忠將軍苻冲出東洛以禦梁州兵

五代志義城郡景谷縣舊白水縣也

後周省東洛郡入馬子按白水縣漢屬廣漢
晉屬梓潼時屬晉壽則東洛在晉壽界也

梁秦二州

刺史劉真道擊冲斬之真道懷敬之子也

劉懷敬見一百一十一卷

晉安帝隆

安三年

難當攻拔葭萌獲晉壽太守申坦遂圍涪城

涪音浮

巴西梓潼二郡太守劉道錫嬰城固守難當攻之

十餘日不克乃還道錫道產之弟也十二月癸亥詔龍

驤將軍裴方明等帥甲士三千人又發荆雍二州兵以

討難當皆受劉真道節度

裴方明益州之良將也程道養趙廣之亂屢有戰功故用

之為明年平仇池張本驤思
將翻帥讀曰率雍於用翻

晉寧太守爨松子反寧

州刺史徐循討平之

晉惠帝永安二年分建寧西七縣為益州郡至懷帝更名晉寧郡

天門蠻田向求等反破淩中

沈約曰淩中縣二漢無晉太康地志有疑是吳

立屬天門郡淩郎侯翻

荊州刺史衡陽王義季遣行參軍曹孫念

討破之

魏寇謙之言於魏主曰今陛下以真君御世

建靜輪天宮之法開古以來未之有也應登受符書以彰聖德帝從之

資治通鑑卷一百二十三



總校官庶吉士臣侍朝

校對官檢討臣王坦修

謄錄監生臣秦長馨

謄錄監生臣張同巽